

列  
朝  
詩  
集

# 列朝詩集

甲集第四之上

高太史啓

缶鳴集樂府詩八十一首

五言古體三十五首

七言雜體三十三首

啓字季迪長洲人至正丁酉張氏開藩平江承制以淮南行省叅政饒介  
爲諮議叅軍事季迪年二十餘介覽其詩驚異以爲上客季迪謝去隱吳  
淞江之青丘自號青丘子洪武初召入纂修元史尋入內府敎功臣子弟  
授翰林院國史編修官三年七月廿八日與史官謝徽俱對 上御闕樓  
時已薄暮擢戶部侍郎徽吏部郎中自陳季少不習國計且孤遠不敢驟  
膺重任徽亦固辭並賜內帑白金放還居青丘先是季迪以史事爲繁  
酒魏觀屬官雅相知必觀奉命守蘇爲季迪徙居城中夏侯里接見甚密  
觀改修府治季迪作卜梁文連坐腰斬洪武七年也年三十有九季迪身  
長七尺有文武才無書不讀而尤邃於羣史其詩有鳳臺吹臺江館青丘  
尙樓榭軒姑蘇雜詠諸集文曰鳧藻詞曰扣舷鳳臺集則洪武初爲史官  
時作也詩凡二千餘篇自選得缶鳴集十二卷九百餘首季迪沒無後其

漢周氏藏弄其遺藁授其姪立末樂元年鏤版行世景泰中徐庸用理會梓爲大全集王子克曰季迪之詩雋逸而清麗如秋空飛隼盤旋百折招之不肯下又如碧水芙蓉渠不假雕飾倚然塵外謝微曰季迪之詩緣情隨事因物賦形橫從百出開合變化其體製雅醇則冠裳委蛇佩玉而長裾也其思致清遠則秋空素鶴迴翔欲下而輕雲霽月之連娟也其文采纏麗如春花翹英蜀錦新濯其才氣俊逸如秦華秋隼之孤鶩昆侖八駿追風躡電而馳也李東陽曰國初稱高揚張徐高才力聲調過三人遠甚百餘季來亦未見卓狀有過之者

上之回

龍主重行幸六蚪法乾旋北巡初避暑東祠已祈年羣官從清塵粲若星麗天前揚豹尾竿左靡魚須旃瀚海通漢月蕭關絕朔烟願奉千齡樂皇躬長泰然元世每季孟夏駕幸灤京避暑七月乃還此詩云北巡初避暑紀元事也

李夫人歌

延年罷歌少翁望蘭芬淒淒銷複帳臨歿最難忘歛歎不相齟陳杯觴列

燈火是耶非  
幄中坐新宮  
漏殘星欲墮

短歌行

置酒高臺樂極哀  
來人生處世能幾何哉  
日西月東百齡易終  
可嗟仲尼不見周公  
鼓絲拊石以末今日  
歡以別虧憂因會釋  
燕鴻載鳴蘭無故榮  
子如不樂白髮其盈  
執子之手以酌我酒  
式詠短歌爰祝長壽

宛轉行

宛轉復宛轉  
宛轉日幾迴  
君腸鹿盧斷  
我腸車輪摧

長門怨

憎寵一時心  
塵生舊屋金苔滋  
銷履迹花遠度  
變音暮雀重門迴  
秋螢別殿陰  
君明猶不察  
妒極是情澆

塞下曲

日落五原塞  
蕭條亭候空  
漢家討狂虜  
繕役滿山東  
去季出飛狐  
今年出雲中  
得地不足耕  
殺人以爲功  
登高望衰草  
感歎意何窮

折楊柳歌詞二首

高枝拂翠幃  
低枝垂綺筵  
春風千萬樹  
此樹妾門前

江頭橫吹悲北客，休南去聞道武昌門。愁人無別樹。

將進酒

君不見陳孟公，一生愛酒稱豪雄。君不見楊子雲，三世執戟徒工文。得失如今兩何有，勸君相逢且相壽。試看六印盡垂腰，何似一卮長在手。莫惜黃金醉青春，幾人不飲身亦貧。酒中有趣世不識，但好富貴亡其真。便須吐車茵，莫畏丞相嗔。桃花滿溪口，笑殺醒遊人。絲繩玉缸釀初熟，搖蕩春光若波綠。前無御史可盡歡，倒著錦袍舞鵝鶻。愛妾已去向池平，此時欲飲焉能傾。地下應無酒罈處，何苦寂寞孤平生。一杯一曲我歌君續，明月自來不須秉燭。五岳既遠三山亦空，欲求神仙在杯酒中。

羅敷行

陌上三月時，柔桑多綠枝。携筐行采葉，日暮畏蠶飢。君來駐車馬，相逢在桑下。說說同心言，不是知音者。君貴多輝光，妾賤無紅粧。自信田間婦，難從天上郎。長安畫樓宇，無限如花女。使君當早歸，莫共羅敷語。

常鱸曲

光豔動春朝，粧成映洛橋。錢多自解數，甕澁未能調。花如秦苑好，酒比蜀

都饒澆謝諸年少來活不待要

古詞

妾刀不斷機郎行當早歸還將機中錦作郎身上衣

烏夜啼

啼烏驚多棲未久半起疎桐上高柳燈下佳人顰淺眉機中少婦停織手  
月入空闌夜欲深數聲猶似聽君琴

堂上歌行

堂上歌歌南山主人爲歡仰客顏翠帷夜卷出兩鬟移尊更飲花樹間花  
樹間有明月客不醉歌不歇

隴頭水

人間何處無流水偏到隴頭愁入耳夜雜羌歌明月中秋驚漢夢空山裏  
隴坂崎嶇九迴折聲隨到處長鳴咽欲照愁顏良水渾前軍曾洗金創血  
回頭千里是長安征人淚枯流不乾

少年行二首

官侍長揚拜夕郎况憑內寵在椒房賜金十萬身無用乞作胡姬一日粧

下直平明出禁門笑提博局伴王孫寶刀不敢將輸却明日沙場欲報恩  
相逢行

沽酒渭橋邊平陵俠少年相逢各有贈寶劍與金鞍

妾薄命

寂寞復寂寞秋風吹羅幕玉階有微霜桂樹花已落昔爲卷衣女承歡在  
瑤閣棄魚感淚多當熊慙力弱寧知色易老難求黃金藥宮淡去天遠憂  
思將何託君恩非不淡妾命自輕薄微軀願有報和親炊沙漠

結客少季場行

結客須結遊俠兒借身報仇心不疑千金買得利七首摩挲誓許酬相知  
白馬縵胡纓行人盡止朝遊洛北門暮醉秦東市感君在一言不惜爲  
君死朱家曾脫季將軍田光終酬燕太子君不見魏其盛時客滿門自言  
一一俱銜恩魏其旣罷誰復見養士堂中塵網遍始知結客難徒言意氣  
傾南山食君之祿有弗報何況區區杯酒間結客不必皆薦紳緩急叩門  
誰可親屠沽往往有奇士慎勿相輕閭里人

君馬黃

君馬黃我馬玄君馬金匱匪我馬錦連乾兩馬喜遇皆嘶鳴何異主人相見情長安大道可並轡莫誇得意爭先行搖鞭共踏落花去燕姬酒壚在何處

楊白花

楊白花太輕薄不向宮中飛却度江南落美人踏踏連臂歌山長水闊奈爾何奈爾何春欲晚何不飛去仍飛返洛陽樹多啼鴉愁殺人楊白花

門有車馬客行

門有車馬客乃是故鄉士昔別各壯顏今見不相似上堂敘情親拜覺出妻子對案未能食歷歷問桑梓當時同遊人十有八九死松柏長新墳荆棘生故址歡言方未終悲感還復始因思興謝端歎息不能止

擢歌行

溶漾漢潭清寒荷赴浪平船輕知體弱簪滑見髮傾落日懸江思浮雲結浦情去從千葉隱歸愛一花迎吳歛并子夜誰似棹歌聲

雞鳴歌

北斗城頭北斗低萬家夢破一聲雞馬蹄踏踏車轆轤闕下連趨市中逐



雄雞安得噤爾聲利名少息世上爭漫漫夜長人不驚

征婦怨

良人不願封侯印虎符遠發當番陣幾夜春閨惡夢多竟得將軍軍覆信  
身沒猶存舊戰衣東家火伴爲收歸妾生不識邊庭路尋骨何由到武威  
紙幡剪得招魂去只向當時送行處

襄陽樂

門前黃柳鴉雛宿羅幌低垂婢擎燭懸璫結珮略粧成日莫相邀漢江曲  
水靜花寒月小明舟中樓上鬪歌聲腸斷年年大堤路南商行過北商行

飲酒樂

七絃五絃角奏一觴兩觴羽行且樂眼中人聚莫憂頭上天傾

長安道

長樂鐘聲動平津樹色開中郎長戟衛丞相小車來新成賜將第更築候  
神臺誰念公車客空懷作賦才

悲歌

征途險巖人乏馬飢貧少不如富老別本云富老不如貧少美遊不如惡

歸浮雲隨風零亂四野仰天悲歌泣數行下

楚妃歎

章華臺前楚江月色墮烟鳥欲起六宮不敢解羅衣獵火照山君未歸

白紵詞二首

白紵出自吳女工著來色與素體同舞時偏向江渚宮長袖拂起微有風  
觴催管促四座中攬裾徘徊惻曲終玉墀夜寒零露濃

出後閣臨前楹舞衣皎皎潔且輕飄如白雲向空行迴腰流目君已傾華  
燈吐燄欺月明喧譁不聞遺珮聲茱萸宵紅蘭葉紫千秋懽樂長如此妾  
身得向君前死

呵那瓊

牛羊草漫野大帳天山下十萬控弦兒關隄齊上馬

江南意

妾本南國妹父母愛如珠貌豈慙明鏡身纔稱短襦學成采蓮唱曉出橫  
塘上舟小復身輕隨風兩搖蕩歸時曲岸傍恰見貴遊郎輟歌欲轉棹花  
淺不堪藏將嗔却成哂相問那能隱雖憐郎意淡終嫌妾家近回首各盈

盈南湖月又生烟波三十里都是斷腸情

猛虎行

陰風吹林鳥鵲悲猛虎欲出人先知目光燿燿當路坐將軍一見孤矢墮  
幾家插棘高作門未到日沒收猪豚猛虎雖猛猶可喜橫行只在溪山裏

湘中絃

涼風嫋嫋月粼粼竹色闌香秋水濱一夜猿聲流淚盡黃陵祠下泊舟人

燕燕于飛

燕燕何處飛相見江南路麝香細雨春柳色芳烟暮纔從箔外歸復向舟  
前度莫入未央宮身輕有人妒

浮遊花

宛宛庭中花狂風忽吹去無涯上入逍遙之雲天下沒慘淡之泥沙開落  
本同何足歎升沉偶異自堪嗟

野田行

白楊樹下誰家墳火燒野草碑無文路傍尚臥雙石馬行人指是故將軍  
當時發卒開陰宅千車送葬城南陌子孫今去野人來高處牧羊低種麥

平生意氣安在哉棘叢暮雨棠梨開百季富貴何足恃雍門之琴良可哀  
邯鄲才人嫁爲厮養卒婦

妾能擬趙瑟舊得君王眷更衣直夜房侍酒登春殿出宮非故顏里婦猶  
桐羨叢臺罷往夢破屋流螢見末路多若斯紛紛貴成賤

涼州詞二首

蓬婆城下淨無花慘慘黃雲漠漠沙卷葉誰將番曲奏白頭都護亦思家  
關外垂楊早換秋行人落日旆悠悠隴山高處愁西望只有黃河入海流  
旗美人曲

明月帳中泣悲風營外歌彷徨夜驚起何事楚人多迴燈擁綠髻向劔聲  
青蛾效命自無恨君王其奈何

築城詞

去年築城卒霜壓城下骨今年築城人汗灑城下塵大家舉杵莫住手城  
高不用官軍守

秦箏曲

嬌絃細語發砑羅臂動玉釧鳴相和關雲龍月愁思多愁思多聽此曲停

蜀琴罷燕筑

東飛伯勞歌

前飛蜻蜓後飛蝶桃葉楊枝每相接誰家季女弄春妍披烟暎日窻戶前  
金雀雙釵翠羽扇縷屏幃帳文羅薦嬌羞年幾十五多將呈復何奈愁何  
流暉倏淺百花暝空持可憐誰作並

春江花月夜

皓月金波滿奇花玉樹新浮輝與流豔併弄一江春還持誰可比結綺閣  
中人

踏歌行

香塵和露踏成泥花下風寒鬢脚低夜靜高樓有人聽起頭一句唱教齊  
子夜四時歌

白白復朱朱芳條冒繡襦摘來隨女伴賽鬪不曾輸  
紅粧何草草晚出南湖道不忍便回舟荷花似郎好  
堂上織流黃堂前看月光羞見天孫度低頭入洞房  
空幃擁爐坐夜冷微紅滅郎意似殘灰無因得重熱

寒夜吟

月下凍痕生綠井，隔林霜片飛無影。  
樹枝風息轉迎寒，愁人如鳥棲未安。  
夜短夜長應獨覺，熒熒殘燭鳴鳴角。

小長干曲

郎採菱葉尖，妾採荷葉圓。  
石城愁日暮，各自撥歸船。

廢宅行

鳴珂坊裏將軍第，列戟齊收朱戶閉。  
里媪逢人說舊時，有廬被奪廣園池。  
今年沒入官爲主，散盡堂中義宅兒。  
厨烟久斷無梁肉，羣鼠饑來入鄰屋。  
官封未與别人居，日日閒苔雨添綠。  
曲閣淡沉接後房，畫屏生色暗無光。  
尋常不敢偷窺處，守卒時來拾墜璫。  
春風多少奇花樹，又有豪家移得去。

青樓怨

浴金熏爐鏤玉奩，蘭香今夜爲君添。  
烏棲黃昏烏起曙，纔見道來還道去。

牧牛詞

爾牛角彎環，我牛尾秃速。  
共拈短笛與長鞭，南隴東岡去相逐。  
日科草遠，牛行遲，牛勞牛飢唯我知。  
牛上唱歌牛下坐，夜歸還向牛邊臥。  
長季牧牛

百不憂但恐輸租賣我牛

捕魚詞

後網初沉前網起夫婦生來業洶水忽驚網重力難牽打得長魚滿船喜  
不教持賣去南津且向江頭祭水神願得年年神作主無事全家臥烟雨  
不論城中魚貴賤換得酒歸僮不怨

養蠶詞

東家西家罷來往晴日淡隄風雨響二眠蠶起食葉多陌頭桑樹空枝柯  
新婦守箔女執篋頭髮不梳一月忙三姑祭後今季好滿簇如雲釀成早  
簷前繰車急作絲又是夏稅相催時

射鴨詞

射鴨去清江曙射鴨返回塘晚秋菱葉爛烟雨晴鴨羣未下媒先鳴草鷄  
低遮竹弓發水冷田空鴨多瘦行舟莫來使鴨驚得食忘猜正相鬪黃唼  
唼毛樅樅潛機一發那得知

伐木詞

竹檐挑多兩肩赤彌斧時尋澗邊石老夫氣力秋漸衰易斫喜有枯林枝

白雲無人暗空谷遠聲丁丁如啄木暮歸待伴不獨行前途虎多荆棘生  
長年不曾到城府聞比山中路尤阻

打麥詞

雉雛高飛夏風煖行割黃雲隨手斷疎莖短若牛尾垂去冬無雪不相疑  
場頭負歸日色白穗落速枷聲拍拍呼兒打晒當及晴雨來怕有飛蛾生  
臥驅鳥雀非愛惜明年好收從爾食

采茶詞

雷過溪山碧雲暖幽蕘半吐鎗旗短銀釵女兒相應歌篁中摘得誰最多  
歸來清香猶在手高品先將呈太守竹爐新焙未得嘗籠盛販與湖南商  
山家不解種禾黍衣食年年在春雨

賣花詞

綠盆小樹枝枝好花比人家別開早陌頭擔得春風行美人出簾聞叫聲  
移去莫愁花不活賣與還傳種花訣餘香滿路日暮歸猶有蜂蝶相隨飛  
買花朱門幾迴改不如擔上花長在

洞房曲



洞房香吐合昏花月轉勾闌啼乳鴉今宵有酒留君醉不信娼家勝妾家

惜花歎

惜花不是愛花嬌賴得花開伴寂寥樹樹長懸鈴索護叢叢頻引鹿盧澆  
幾回欲折花枝嗅心恐花傷復停手每來花下每題詩不到花前不持酒  
准擬看花直盡春春今未盡已愁人纏留片萼依前砌全落千英過別鄰  
懊惱園中妒花女畫旛不禁狂風雨流水殘香一夜空黃鸝魂斷無言語  
縱有星星在薜衣拾來已覺損光輝只應獨背東牕臥夢裏相隨高下飛

田家行

草茫茫水汨汨上田蕪下田沒中田有禾穗不長狼藉只供鳧鴈糶雨中  
摘歸半生濕新婦春炊兒夜泣

憶遠曲

楊子津頭風色起郎帆一開三百里江橋水柵多酒壚女兒解歌山鷓鴣  
武昌西上巴陵道聞郎處處經過好櫻桃熟時郎不歸客中誰爲縫春衣  
陌頭空問琵琶卜欲歸不歸在郎足郎心重利輕風波在家日少行路多  
妾今能使烏頭白不能使郎休作客

金井怨

照水羞見影汲水嫌手冷閒立梧桐陰鳥啼秋夜求

里巫行

里人有病不飲藥神君一來疫鬼却走迎老巫夜降神白楊赤鯉縱橫陳  
男女殷勤案前拜家貧無肴神勿怪老巫擊鼓舞且謝紙錢索索陰風多  
巫言汝壽當止此神念汝虔賒汝疾送神上馬巫出門家人登屋啼招魂

主客行

主人楚歌客楚舞落日黃雲鴈聲苦笑拂腰間寶劍光美人滿堂色如土  
大兒北海人中奇小兒能讀曹娥碑相逢且莫歎貧賤但願有酒無別離  
君不見平原墓上生秋草國士無窮道傍老

春夜詞

杏烟濕鬢秋千下銀蟾光寒曲屏畫數漏閒過每睡時月明微見墮遊絲  
欲歸自踏娉婷影風動玉釵花亦冷屋貯嬌愁鎖慢紗青絲嘶騎醉誰家  
管絃不動空臺榭夢與鳥衣語中夜

新絃曲

舊絃解新絃張冰絲牽愁六尺長寬急頻從指邊聽金鴈參差移不定新  
絃響高調勿促不如舊絃彈已熟憐新厭舊妾恨深爲君試奏白頭吟他  
日愁如舊絃棄泣向羅裙帶頭擊

竹枝歌 六首

蜀山消雪蜀江淡郎來妾去鬪歌吟峽中自古多情地楚王神女在山陰  
魚復浦上石罍纍恰似儂心無轉迴船歸莫道上灘惡自牽百丈取郎來  
江水出峽過夔州長流直到海東頭郎應若有思家日應教江水復西流  
躑躅花紅鴨鴉飛黃牛廟下見郎稀大船攤錢賣鹽去短釵簪葉負薪歸  
妾愛看花下渚宮郎思沽酒醉臨卭春衣未織機中錦只是長絲那得縫  
楓林樹樹有猿啼若箇聽來不悵悵今夜郎舟宿何處巴東不在定巴西

轉應詞 二首

雙燕雙燕去歲今年相見往來東合西家銜得泥中落花花落又在  
暮寒池開

疎雨疎雨綠滿蘋蕪洲渚江南相憶故人遠水遙山暮春春暮春暮風急  
畫船難渡

聞長槍兵至出越城夜投龕山

列藩邊戎亂駐鉞實此州如何殺大將王師自相離我來亂始定城郭氣  
尚愁又聞有鄰兵倉卒豈敢留促還出西門天寒絕行輶古戢暗雨雪旌  
旗暮悠悠野屋閉不守澤田棄誰收居人且奔逃游子安得休逶迤蒼山  
去泱泱玄雲浮人虎爭夜行風榛嘯巖幽我徒戒相親一失未易求飢拾  
谷口栗寒燒澗中標神迷路多迂再宿達海陬雖嘗登頓勞幸免迫屨憂  
聖尼畏於匡嗟我敢有尤但慙去起早不遂名山遊

登鳳凰山尋故宮遺跡

茲山勢將飛宮殿歷其上江潮正東來朝夕似薜蘿常時結構意欲敵汴  
都壯我來百年後紫氣愁不王烏啼壁門空落葉滿陰障風悲度遺樂樹  
古羅嚴仗行人悼降王故老怨奸相蒼天何悠悠未得問興喪世運今復  
衰淒涼一回望

過奉口戰場

路迴荒山開如出古塞門驚沙四邊起寒日慘欲昏上有飢鴛聲下有枯  
蓬根白骨橫馬前貴賤寧復論不知將軍誰此地昔戰奔我欲問路人前

行盡空村登高望廢壘鬼結愁雲屯當時十萬師覆沒能幾存應有獨老翁來此哭子孫年來未休兵強弱事併吞功名竟誰成殺人遍乾坤愧無拯亂術佇立空傷魂

春日懷十友詩

余司馬堯臣

列戟衛嚴關應無休沐暇羣英罷追遊餘香掩空榭飛花北郭晚華月南園夜清景不能同蹠跼恐年謝

宋軍咨克

看花西澗寺憶子昔同行蘭入華鴈氣波汎綠琴聲茲歡隨節逝離恨坐相嬰安得重聯騎射雉出東城

陳孝廉則

徂春易爲感復此棲孤寂鶯啼遠林雨悵望鄉園隔客舍換天晨僧齋聽鐘夕知君思正紛雜英共如積

王隱君行

共此一里居誰令阻良覲惆悵步芳園山櫻還獨倚風合駐花意雨散流

池跡尊酒不來同茲晨端可惜

感舊酬宋軍咨見寄

我酒且緩傾聽君放歌行君歌意何苦慷慨陳平生少爲鬪雞兒鮮裘奪  
春明走馬出飛彈撇捩誇身輕氣服諸俠徒不倚又與兄落花錦坊南美  
人理粧迎綠雲晚不度樓上鳴瑤箏酒酣迸五木脫帽呼輸贏及壯家已  
破狂遊取無成太白犯紫微三辰晦光精金鏡偶淪照干戈起紛爭中原  
未失鹿東海方橫鯨遂尋鬼谷師從之學言兵石室得陰符龍虎隨權衡  
業成事燕將遠戍三關營巖谷雨雪霏哀獸常夜鳴撫劍起流涕軍中未  
知名奇勲竟難圖迴臨石頭城石頭何壯哉山盤大江橫黃旂想王氣玉  
樹聞歌聲晚登臨滄觀側愴懷古情覽時識禍機不因憶尊羹賦別戎  
府震澤還東征歸來訪鄉閭亂餘掩蓬荆舊宅人已改荒池泉尚清瘦妻  
倚寒機正嘆伊威盈從茲謝行役閉園事躬耕懶求薦辟書傲朕揖公卿  
衰蕙手蟋蟀柔桑喚鵬鷗閉門節屢變壯魄空潛驚昔同徒步入十季擁  
麾旌鴻毛獨未順蹭蹬違霄程知音竟爲誰四海嗟惻惻齊竽不解奏楚  
璞何由呈顧余雖腐儒當季亦崢嶸小將說諸侯捧檄定從盟大欲千萬

乘獻策登蓬瀛，洪濶阻川途。浮雲蔽天京，終焉困澤畔。日暮吟薜蘿，賤貧  
此時居。復與喪亂并，何殊九月中。嚴霜折枯莖，頗聞君子心。道窮貴益貞，  
已忘不獲施。安用軒裳榮，今晨喜逢君。有壺對前楹，風日初澹沲。櫻桃作  
繁英，適意不一醉。屑屑徒悲縈，達人若相遇，大笑絕冠纓。

俞衍師見贈

衍師本儒生，眉骨甚疎峭。軒然出人羣，快若擊霜鷁。早嘗垂長紳，扶笏誦  
周邵。欲陳興壞端，往應乞言詔。乾綱會中頹，四海起攘剽。仰頭望天局，氛  
祲匿羲曜。蕃邦日尋兵，纒玉罷朝頰。木顛豈繩維，長往遂淪耀。披緇別家  
人，欲挽首屢掉。超哉休遠徒，高躡願追紹。初來北城剌，駐錫問宗要。相逢  
共宵哦，篝火樹間照。篇成出叩鉢，鋒疾驚楚僂。我或勸之冠，不禽但長笑。  
留連忽中離，名山赴佳召。頗知此行樂，夙志酬歷眺。吳嶂戴襍登，楚水投  
支弔。江秋雨鳴瀨，海曙霞發嶠。竈奇務窮蒐，不憚踞遐傲。東歸始安禪，幽  
谷斬蓬蘽。坐敷雲中衾，薛屋一澗縹。前年逐戎旂，野出事田獵。是時陰鷲  
作山黑，捲狂燒不畏。猛虎過車宿，傍楓廟聞師。隔烟嶺無寐，聽猿叫晨興。  
雪滿壑衣濕，寒木燎空林。斷樵踪兀兀，見來轡相邀。至岩扉，山竹穿窬窳。

淡房煮山藥，乳菜燄風銚。頓釋行旅頰，瓢綠欣飲酌。促還不能淹，喧寂歎殊調。邇來竟何成，三十匪季少。恨無關弧力，結束從嫖姚。閒坊借書披，危坐似持釣。行憂釜見奪，謁恐冠遭溺。逢人戒談時，並縮刀在鞘。軍聲五月急，市閤無賤糶。壯氣漸欲磨，妻孥困纏繞。堂筵賓履踈，暑夕行熠燿。師來贈長句，有譽無鄙誚。組章眩芬粦，金奏聆嬰眇。據梧起豪誦，心疾渾可療。回顧平生吟，真啞蚯蚓竅。上天宰玄化，亂治方巨料。性命如窮鱗，倘或脫罾罟。卜居計已決，不待龜灼焦。過湖就稻蟹，靜處容不肖。安能效羣女，倚恃鬪妍妙。沫風或鳴橈，耕月還荷蓀。師當重見尋，東臯一舒燭。

賦得真娘墓送蟾上人之虎丘

色相終壞滅，佳人能久妍。斷碑山寺裏，小冢竹林邊。蘭葉春風帶，苔花暮雨細。情留吳苑客，夢逐楚臺仙。高僧方宴坐，身在散花天。

雪夜懷周著作

燈照竹林雪，寢齋寒更空。牕間成獨坐，遙想故人同。不有孤吟興，寧度此

宵中

登西城門



登城望神州風塵暗淮楚江山帶睥睨烽火接樓櫓并吞何時休百骨易  
寸土向來禾黍地雨露長榛莽不見征戰場那知邊人苦馬驚西風笳鳥  
散落日鼓鳴鳴城下水流恨自今古

期家兄宿東湖民家不至

東湖欲上月寒鳥已棲烟何處相期宿柴門汀樹邊未嘗新漉酒猶望遠  
來船誰信羨肱被今宵還獨眠

宿幻住禪雲堂

窻白鳥聲曉殘鐘度溪水此時幽夢迴獨在空山裏松巖留佛燈葉地響  
僧履余心方正寂無使羣動起

賦求上人紙帳

剡藤裁素幃坐使諸塵隔冬室自生溫寒牕屢更白不隨直省被長覆棲  
禪簣思曾雪夜時宿伴山中客

陳氏秋容軒

西郊莽迢遞川樹凝烟景雨過添紅葉斜陽半江冷蟬鳴山欲暗鴈去天  
逾永孤客對蕭條應知鏡中影

月林清影

疎林逗明月散亂成清影流藻舞波寒驚蚪翔壑冷雲來稍欲翳風動紛  
難整圓魄忽西傾愁看墮空境

聞鐘

迢迢烟際發隱隱巖中應初來覺寺遙乍歇看山暝惆悵未眠人空齋幾  
迴聽

醉歸夜醒聞雨

覺來聞雨聲燈輝耿耿夜窻間有危葉暗助瀟瀟下不記醉歸時寢齋如  
客舍

聞晚鶯時在圍城中

昨歲聞孤嘯綠陰山院行今朝寢齋雨重聽獨含情西澗多喬木何爲亦  
到城

西齋池上三味

葵花

豔發朱光裏叢依綠蔭邊夕同山莽落午並海榴然幽馥流珍簞鮮輝照

藻筵羣芳已謝賞孤植轉成憐

荷葉

楚服新裁得吳笳舊製成圓應問荇菜密欲翳蓮莖聲中亂雨至陰下一  
魚行桂棹還思折江南日暮情

桐樹

晴粉朝英墜涼瓊夏葉舒鳥啼高樹早蟾轉薄疏虛朱絃未薦曲彤管屢  
題詩坐恐銷華澤商吹起前除

遊靈巖賦得越來溪

越女遊未去越兵嗟已來青山舊溪上無復見樓臺過客空惆悵荷花秋  
自開

立春前一日喜雪

一冬纔見瑞三白詎須頻未嫌遲送臘唯憐預占春積砌猶殘凍粧苑已  
芳辰留更明朝落梅閒欲闢新

始聞可憐

翾翾纔得曉  
未成喧  
鷺葉誰能見南風綠繞軒乍驚變節物還念別

郊園何待當秋聽方令羈思繁

茂昔

我昔在家日有樂不自知及茲出門遊始復思往時貧賤爲客難寢食不獲宜異鄉寡儔侶僮僕相擁持天性本至慵強使賦再馳發言恐有忤蹈足慮近危人生貴安逸壯遊亦奚爲何當謝斯役歸守東岡陂

泛南溪二首

山折水暫旋山開水仍往東陂匯初成秋色淵  
廣碧蘿花茸茸月映石壁上此夕試沿洄一理烟中舫

清暉汎悠悠東與前溪合菱葉間荷花風來秋颯颯久行愁寂境忽有人烟雜我欲發棹謳漁師肯相答

曉臥丁校書軒

愔月澹欲失隴隴逼初曙屋外鳥聲多應知有嘉樹  
殘香掩幽寢未事澄紛慮頗似宿東巖僧齋竹深處

水上盥手

盥手愛春水水香手應綠云云細浪起杳杳驚魚伏惆悵坐沙邊  
流花去

難掬

贈漫客

畸人誠達生，整叟亦曠士。漫客乃其徒，放意在雲水。有山卽漫遊，有竹乃漫止。漫吟不求工，漫飲不須美。與物無留情，所適皆漫爾。人生本漫寄，何事紛戚喜。與子作漫交，逍遙論茲理。

秋日端居

秋意日蕭索，郊園霜露餘。出遊無山水，聊復守吾廬。卷轍久已斷，山瓢仍屢虛。非甘寂寞者，誰樂此閒居。

夢鍾離兩兄

淮水去不極，淮山與偕馳。鍾離兩遷客，路遠歸何期。孰云歸無期，此夕乃見之。握手說辛苦，杯觴復同持。須臾忽驚別，我夢方自知。雖夢亦足喜，况乃歸來時。

雨中留徐七賁

江寒宿雨在，落葉滿村濕。留君繫君艇，莫犯風潮急。試問欲歸城，誰家借篔簹。

看刈禾

農工亦云勞此日始告成往獲安可後相催及秋晴父子俱在田札札鏟  
有聲黃雲漸收盡曠望空郊平日人負檐歸謳歌道中行鳥雀亦羣喜下  
啄飛且鳴今季幸稍豐私廩各已盈如何有貧婦拾穗猶惻惻

晚步遊褚家竹亭

落日猶半野閒來潭上游非因戀幽賞聊欲散煩憂澄波魚唼夕荒竹鳥  
吟秋不是愚溪上胡爲吾久留

太白三章

太白初升北斗落行人早起車鳴鐸豈願身離父母邦山川路遠非不惡  
貧賤未知生處樂

太白正高北斗低行人出關雞亂啼他鄉無人是知己欲歸未歸東復西  
弊裘愧見家中妻

太白猶懸北斗沒行人衣上霜拂拂下馬飲酒歌苦聲新豐主人莫相忽  
人奴亦有封侯骨

中秋觀月張校理宅得南字

八月望夜天如藍海色卷霧山收嵐玉盤元沉龍窟底忽起萬丈誰能撲  
初來空中光尚濕霜娥寒鬢風鬢鬚人言一年此最好金精水氣秋相涵  
小屋盡去大星在芒角欲吐敢與參天將洗眼照下土啖食肯縱妖幕食  
穿溪窺暗不遺隙罔兩忌影逃巖嵌前年客中憶見之家人怨別方喃喃  
荒山不知佳節至垂首凭案尋青蟬但怪流輝入敗戶油燈失燄留孤龕  
起行陰林不用炬剝啄獨叩峰西菴此蛇亂踏心膽悸怪影走石皆楓楠  
卽呼道人共載酒放舟直下夫容潭翻翻驚鶻落樹杪吹笛正和鳥飛南  
今季在舍反寂寞暗室困臥如僵蠶乾愁無端負良夜月固不言我則慙  
人無賢愚競翫賞况我清景性所耽忽憶諸君隔河水持被就宿聆高談  
爲呼老姬掃庭宇一席盤釘梨與柑江城重閉萬家寂樓鼓近聽纔過三  
空皆凄其覺露法虛彌窈窕疑烟含淒淒欲留月伴影素鷺西下煩停驂  
明宵復出已難似動別經歲嗟何堪尊前此月又此客世所難遇心應諳  
關山幾處未解兵擊柝不寐愁丁男南鄰歌舞北鄰哭月雖同照異若甘  
何人爲我揮天戈乾坤多難俱平戡行者得還屋者樂清光所及思皆覃  
懸知此願未易遂憂來舉盞從沉酣須臾衆散曉蟲急古桂吹落自絀絀

劉松年畫

樵青刺篙勝搖槳船頭分流水聲響青山渺渺波滄滄白鷗飛過時一兩  
載書百卷酒十壺日斜出遊女兒湖鄰舟買得巨口鱸醉拍銅斗歌嗚嗚  
此樂除却江南無

練圻老人農隱

我生不願六國印但願耕種二頃田田中讀書慕堯舜坐待四海昇平年  
卻愁爲農亦良苦近歲征役相煩煎養蠶唯堪了官稅賣犢未足輸米錢  
此鬚縣吏叩門戶鄰犬夜吠頻驚眠雨中投泥東鑿塹冰上渡水西防邊  
幾家逃亡閉白屋荒村古木空寒烟君獨胡爲有此樂無乃地邇秦溪仙  
門前流水野橋斷不過車馬唯通船秧風初涼近芒種戴勝曉鳴桑頭顛  
短衣行隴自課作兒子饁後妻耘前白頭雖復勞四體若比我輩寧非賢  
旅遊三十不稱意年登未具粥與饘便投筆硯把耒耜從子共賦幽風篇

聽教坊舊妓郭芳卿弟子陳氏歌

時至正己亥歲作

文皇在御昇平日上苑宸遊駕頻出仗中樂部五千人能唱新聲誰第一  
燕國佳人號順時姿容諳舞總能奇中官奉旨時宣喚立馬門前催畫眉



建章宮裏長生殿芍藥初開敕張宴龍笙罷奏鳳絃停共聽嬌喉一鶯轉  
遇雲妙響發朱唇不讓開元許未新綉陛花驚飄豔雪文梁風動委芳塵  
翰林才子山東李每進新詞棠上喜當筵按罷謝天恩捧賜纏頭蜀都綺  
晚出銀臺酒未銷侯家主第強相邀寶釵珠袖尊前賞占斷春風夜復朝  
回頭樂事浮雲改瘞玉埋香今幾載世間遺譜竟誰傳弟子猶憐一人在  
曾記霓裳學得成朝元隊裏藝初呈九天聲落千人聽丹鳳樓前月正明  
狹邪貴客迴車馬不信芳名在師下風塵一旦禁城荒誰是花前聽歌者  
從此飄零出教坊遠辭京國客殊方閉門春盡無人問白髮青裙不理粧  
相逢爲把雙蛾蹙水調梁州歌續續江南年少未曾聞元是當時供奉曲  
朝使今季海上歸繁華休說亂來非梨園散盡宮槐落天子愁多內宴稀  
始知歡樂生憂患恨殺韓休老無諫傷心不見昔人歌汾水秋風有飛鴈  
此日西園把一卮感時懷舊盡成悲含情欲爲秋娘賦愧我才非杜牧之

憶昨行寄吳中諸故人

憶昨結交豪俠客意氣相傾無促戚十季離亂如不知日費黃金出遊劇  
狐裘蒙茸欺北風霹靂應手鳴雕弓桓王墓下沙草白彷彿地似遼城東

馬行雪中四蹄熱流影欲追飛隼滅歸來笑學曹景宗生擊黃獐飲共血  
皋橋秦娘雙翠蛾喚來尊前爲我歌白日欲沒奈愁何迴潭水綠春始波  
此中夜遊樂更多月出東山白雲裏照見船中笛聲起驚鷗飛過片片輕  
有似梅花落江水天峰最高明日登手接飛鳥攀危藤龍門路黑不可上  
松風吹滅巖中燈衆客欲歸我不能更度前嶺綠峻嶒遠携茗器下相候  
喜有白首楞伽僧館娃離宮已爲寺香逕無人欲愁思醉題高壁墨如鴉  
一半欹斜不成字夫差城南天下稀狂遊累日忘却歸座中爭起勸我酒  
但道飲此無相違自從飄零各江海故舊如今幾人在荒烟落日野鳥啼  
寂寞青山顏亦改須知少季樂事偏當飲豈得言無錢我今自算雖未老  
豪健已覺難如前去日已去不可止來日方來猶可喜古來達士有名言  
只說人生行樂耳

明皇秉燭夜遊圖

華亭樓頭日初墮紫衣催上官門鎖大家今夕燕西園高莢銀盤百枝火  
海棠欲睡不得成紅粧照見蛛分明滿庭紫燄作春霧不知有月空中行  
新譜霓裳試初按內使頻呼燒燭換知更宮女報銅籤歌舞休催夜方半

共言醉飲終此宵明日且免羣臣朝只憂風露漸欲冷妃子衣薄愁成嬌  
琵琶羯鼓相追續白日君心歡不足此時何暇化光明去照逃亡小家屋  
始蘇臺上長夜歌江都宮裏飛螢多一般行樂未知極烽火忽至將如何  
可憐蜀道歸來客南內淒涼頭盡白孤燈不照返魂人梧桐夜雨秋蕭瑟

黑河秋雨引賦趙王孫家琵琶蓋其名也

胡天夜裂天垂泣雲壓鷹低翻翅濕髯王醉影抱寒鶯毳殿嘈嘈箭鳴急  
紅冰淚落衰燈下倒卷河流入絃瀉瘦駝臥磧歇鈴車朴朔陰沙鬼行野  
漢魂私語鬢風淒都護營荒咽凍豔蘭山木葉連愁起散入塞門三萬里  
夢斷金塘隔烟小青冢埋聲秋不曉

蒼余左司沈別駕元夕會飲城南之作時在園中

青帝行春氣初播雲沍餘陰苦難破江頭碧草生未長戰馬寒嘶餓殘草  
炊烟冷落雨中濕鄰屋時聞有啼餓我愁鬱鬱但欲眠肯以案書勤自課  
却思去歲屬無虞元夕共歡人幾箇高堂細聽落梅歌手擘黃柑香噴座  
客酬主勸總忘曉看盡繁燈逐星墮祇今照市但羣烽樂事淒涼誰復作  
故人念我有二子省內郎官府中佐別離兩月不相逢身佩弓刀從戍邏

欲尋舊賞慰勞役弄拂尊前且安坐老兵折簡走相呼笑我閉門無乃懦  
黃昏遠就向城南敢惜春衫凍泥泥軍中有會異尋常牛肉麤肥酒卮大  
胡奴帳下出琵琶復拊銀箏與相和燭殘未聽荒雞號絃斷忽驚哀鴈過  
須臾顏熱起叫噓不紀亂離仍憾軻更聲析析統旗門劔匣擗頭容醉臥  
歸來又辱寄新詩錦水前腸珠落唾豪吟自欲繼燕歌悲調豈將同楚些  
覽之幾度感淡情曲高和難非懶惰我生無力本何用衣食自來供馬磨  
雖蒙鄉曲假虛名正似南箕不堪簸君才於世俱可珍周賈東遊抱奇貨  
艱危壯氣喜彌激利器未施寧忍挫頗聞原野多殺傷風雪呻吟苦無那  
吾儕斯樂豈易得應愧皇天恩獨荷明季此夕會昇平把酒相邀更相賀

江上晚過鄰塲看花因憶南園舊遊

去年看花在城郭今年看花向村落花開依舊自芳菲客思居臥成寂寞  
亂後城南花已空廢園門鎖鳥聲中翻憐此地春風在暎水穿籬發幾叢  
季時遊伴俱何處祇有閒蜂隨繞樹欲慰春愁無酒家殘香細雨空歸去

兵後逢張孝廉醇

前季遠別君父子遭亂相傳皆已死今朝南陌忽逢君爲識人中語音似

君言從親渡海濤欲避兵禍辭官曹間關僅得返鄉里脫命羅罔真秋毫  
問我胡爲亦憔悴十月孤城陷圍內艱難兩地得俱全政荷皇天憐我輩  
相看握手非偶狀痛飲豈得愁無錢城中故舊散欲盡君來使我忘憂情  
還思當季事未收車馬紅塵浩如海等閒列第化秦灰試問主人誰復在  
請君看此應感吁世間富貴皆空虛客遊且莫更彈鋏讀書歸臥先人廬

夜飲丁二侃宅聽琵琶

江月未出明星懸主人飲客夜不眠坐呼伶兒撥四弦龍頭高撚玉軫圓  
轉關未奏漢索先勞嘈咽切斷復連溫如清澗溜凍泉細若碧樹吟秋蟬  
忽狀繁急何轟闐風沙滿把撒四筵鴈行驚起飛不聯浮雲落葉俱綿綿  
一聲抹斷萬里烟夢入紫塞愁胡天問渠怨恨有幾千口不能說指爲傳  
令人悵望思往季梁園楚榭長周旋帷中曲宴羅綺鮮夜遣飛騎迎嬋娟  
低鬟出拜絳燭前文絲香縹搭左肩曲項紫鳳抱半偏楓香一調妙入玄  
好手正可羞紅蓮座間豪客皆詞仙舉杯邀我賦短篇贈之醉寫蜀錦牋  
可當十萬纏頭錢如今遠客江海邊欲聞絲音久無緣故人已散陵谷遷  
生死不落俱堪憐今宵聽此真偶狀顧影憔悴非昔妍長河欲曙落遠川

誓當歡娛反憂煎向隅無言涕淚漣此身如在潯陽船

曉睡

野夫性慵朝不出弊簣蕭朕掩閒室村溪無客早敲門睡覺長過半簷日  
林聲寂寂鳥鳴少廳影交交樹橫密此時欹枕意方恬一任牀風亂書帙  
昔季霜街踏官鼓欲與羣兒走爭疾如今只戀布衾溫悟從前計應多失  
厨中黍熟呼未起妻子嗔嘲竟誰恤天能容老此江邊無事長眠吾願畢

美人撲蝶圖

花枝揚揚蝶宛宛風多力薄飛難遠美人一見空傷情舞衣春來綉不成  
乍過簾前尋不見却入深蕪避鷓鴣一雙撲得和落花金粉香痕滿羅扇  
笑看獨向園中歸東家西家休亂飛

青丘子歌

青丘子臞而清本是五雲閣下之仙卿何季降謫在世間向人不道姓與  
名躡屩厭厭遠遊荷鋤懶躬耕有劔任羞溢有書任縱橫不肯折腰爲五斗  
米不肯掉舌下七十城但好覓詩句自吟自酬賡田間曳杖復帶索傍人  
不識笑且輕謂是魯迂儒楚狂生青丘子聞之不分意吟聲出吻不絕嗶

嗚朝吟忘其飢暮吟散不平當其苦吟時兀兀如被醒頭髮不暇櫛家  
事不及營兒啼不知憐客至不果迎不憂回也空不慕猗氏益不慙被寬  
褐不羨垂華纓不問龍虎苦戰鬪不管烏兔忙犇傾向水際獨坐林中獨  
行斲元氣搜元精造化萬物難隱情冥茫八極遊心兵坐令無象作有聲  
微如破懸壺壯若屠長鯨清同吸沆瀣險比排崢嶸靄靄晴雲披軋軋  
草萌高舉天根撲月窟犀照牛渚萬怪呈妙意俄同鬼神會佳景每與江  
山爭星虹助光氣烟露滋華英聽音諧韶樂咀味得大羹世間無物爲我  
娛自出金石相轟鏗江邊茅屋風雨晴閉門睡足詩初成叩壺自高歌不  
顧俗耳驚欲呼君山老父携諸仙所弄之長笛和我此歌吹月明但愁歛  
忽波浪起鳥獸駭叫山搖崩天帝聞之怒下譴白鶴迎不容在世作狡獪  
復結飛珮還瑤京

江上有青丘子徒家其南

自號青丘子開居無事終日苦吟開作青丘子歌言其意以解詩淫之嘲

### 張節婦

誰言妾有夫中路棄妾身先殂誰言妾無子側室生兒與夫似兒讀書妾  
辟纊空房夜夜聞啼鳥兒能成名妾不嫁良人瞑目黃泉下

靈壽張明府

與客飲西園花下

一壺酒正滿一樹花仍新  
傾壺對花樹日暮西園春  
不愛枝上花愛此花下人  
相逢莫學花無賴明日分飛隨路塵

吳中逢王才南歸

江南草長蝴蝶飛  
白馬新自燕山歸  
燕山歸不堪說  
易水寒風薊門雪  
朝邸空隨使者裾  
禁閣不受書生謁  
一杯勸君歌莫哀  
歸時應過黃金臺  
不見荒基秋來土  
花紫伯圖已歇  
昭王死千載無人延國士

贈醉樵

川釣已遭獵野耕終改圖  
不如山中樵醉臥誰得呼  
采山不采松松花可爲酒  
酒熟誰共樹木客爲我友  
木客已去空石林舉杯向月  
邀吳剛借汝快斧斫大桂  
要令四海增清光  
林風吹髮寒擁耳獨枕空  
尊碧巖裏此時忘卻負薪歸  
猛虎一聲驚不起  
世間萬事如浮烟  
看碁何必逢神仙  
青松化石鶴未返  
酒醒又是三千季



列朝詩集

甲集第四之上終

# 列朝詩集

甲集第四之中

高太史啓

古鳴集 五言八體一百八首

七言今體五十首

五言絕句六十二首

七言絕句八十首

六言七首

味夏水

寒收遠凍井晚薦納涼宮抱潔存天質銷炎奪化工氣蒸金盞間色映玉盤空乃藻合猶在猷塵隔未通井山寧可倚是水復當融照夜何須月驚秋詎待風製屏應不隱作珮定難攻客貌清誰並仙肌瑩白同宜涵筠簟素愁過桂壺紅願解行人賜分貽道路中

賦得履送街上人

穩稱遊方脚新編楚岸滿滑欺峰頂石危怯世間途輕曳愁妨蟻高飛笑化是上堂登每衆度嶺影還孤著處朝行道拋時夜結趺空山欲相訪落葉去踪無

效唐人贈邊將

翩翩越騎將負勇，出山西射虜誇功。  
封侯賭馬蹄候烽，河外暗伏幟草中。  
低欲雪憑陵恥，須禽左谷蟲。

送董湖州

五馬貴專城，花兼赤綬明。  
政條民乍識，賦籍吏初呈。  
山籠輪茶至，溪船摘芡行。  
非將茗香水，誰比使君清。

曉次西陵館

匹馬倦嘶風，蕭蕭逐轉蓬。  
地經兵亂後，歲盡客愁中。  
曉渡隨湖急，寒山落驛空。  
可憐今夜月，相照宿江東。

送顧別駕之邊郡

故人雖盡別，相去獨君餘。  
綠路雲千嶽，臨邊樹一家。  
渡江船載馬，到館燭驚鴉。  
莫嘆孤城廢，春來尚有花。

送僧括歸靈隱

遊方應未久，柳色變新年。  
在路逢春雪，還山訪冷泉。  
鐘催投寺錫，燈照泊江船。  
法意休多問，無言卽是禪。

江上寄王校書行

家落得歡連江邊獨掩扉  
鄰家聞弄笛客舍試春衣  
宿烏歸山亂行人渡水稀  
相思比花繁斜日繞城飛

送越將罷鎮

楚客佩吳鴻臨邊最有功  
讀苦圍壁裏賭酒射堂中  
旆出莎城雨笳吹柳浦風  
越人相感意應與寐潮東

送王稹赴大都王稹子作

王郎歌莫哀且酌姑蘇臺  
獨客自傷別諸侯誰愛才  
關河千里去宮闕五門開  
未肯輕齊虜新從下土來

送孫主簿之德清孫善琴

山水匝秋城君行思已清  
道逢迎吏拜田雜戍人耕地  
遠知邊信家貧稱縣名  
應攜一琴去相和長官鳴

留別李侯

梅發津亭壯春隨使節  
迴線多遊子服酒滿故人杯  
鐘送橫江兩車盤出峽  
雷平生感知已臨別更徘徊

寄燕公

嶺外紫閣陰欲去問安心野岸隨流曲山門隱樹深千燈映雨塔一聲出  
風林想見脚踏處雲多不可尋

送王才歸錢塘

南歸猶落魄北上已蹉跎草草官亭酒勞勞客路歌親知今日少山水故  
鄉多七首空留在酬恩竟若何

送長洲周丞陞吳縣令

青山隔苑橋改邑去非遙官食新添俸民俸舊布條稻花迎午放荷葉待  
秋凋寂寞長洲路空闊五袴謠

冬至夜喜逢徐七

君來同心館把酒夜相看動是經年別能辭盡夕歡雪明窓促暉陽復座  
銷寒世路今如此懸知後會難

送史丞之海門史淮東人

黃茅連霧雨此地久荒涼日出鴻夷邇江通渤澥長改官非謫宦到邑是  
還鄉海上遙聞說歸人已裹糧

夜訪芭蟾二釋子同宿西澗聽琴

清夜獨坐尋巖扉落葉淡許酒闌令酒來聽穎師琴人醉月沉閣鳥啼  
滿林應留西澗水千載寫餘音

錢塘送馬使君之吳中

憶亭離席散遙發畫轡車飛堆新阡麥啼鶯故苑花望山登郡閣行水到  
旧家莫道疑香句前人獨可誇

與劉將軍杜文學晚登西城

木落悲南國城高見北辰  
飄零猶有客經濟豈無人  
鳥過風生翼龍歸雨  
在鱗相期俱努力天地正隆塵

和周山人見寄寒夜客懷之作

亂世難爲客流年易作翁  
百憂尋歲暮孤夢怯山空  
門掩雲峰裏燈明雪  
竹中無因乘夜訪相慰一尊同

哭臨川公

身用已時危衰殘况病欺  
竟成黃犬歎莫逐白鷗期  
東閣圖書散西園草  
露垂無因製江上應負十年知

草堂夜集

山家具雜黍夜與故人期暫喜逢歡會都忘在亂離  
寒移坐密燭盡得詩遲莫聽高城角明朝別又悲

過胡博士郊居胡善筮

頭白蘭陵客幽居共一村老來吟力退貧去告身存  
夕吹鳴梨葉秋泉注稻根時因來問筮獨印樹間門

送茅侯

欲知離別意孤棹去還停候吏分遙迥離人難醒  
城臨秋水渡樹帶夕陽亭後夜看吟燭憐君宿郡廳

孤鴈

衡陽初失伴歸路遠飛單度隴將書法排空作陣難  
呼羣雲外急弔影月中殘不共危鷺宿蒹葭夜夜寒

曉步園池

髮隨秋葉落心共曉雲舒稍改新題句渾忘舊讀書  
林爭移樹鳥池響食萍魚無限悠然意涼天獨步餘

次韻過建平縣

孫雖三戶小地僻罷兵防茶市逢山客極祠祭石郎雲埋鳴澗斧沙膠度  
溪航應愛青山好經過駐旅裝

送胡鉉遊會稽

山水獨行遍蒼溪仍刻溪衣逢新火減舟度雜花迷黃絹碑讀紅裙賭  
豎攜清遊不能共賜斷聽猿啼

月夜遊太湖

欲尋林屋隱還過洞庭遊遠水初涵夜長天盡作秋湖如青草開月似白  
蓮浮萬壑風傳笛三更十挂舟葉應隨鳥散山欲趁波流浩蕩吾何適鷓  
夷不可求

送陳則

挾策去誰親侯門不禮賓愁邊長夜雨夢裏少年春樹引離鄉路花驕失  
意人一杯歌短調相送欲沾巾

暮春送陳郎中出守醉李

出幘方爲郡行車動豈輪圖書歸省吏風俗問州人塘水龍鱗細城槐鬼  
目新莫言花已盡君到自陽春



送楊從事從軍

南風薰燕麥送子恨如何迢遞戎車役淒涼橫笛歌天龍平野迴山繞古  
關多莫笑書生怯能當曳落河

送王員外遷崇敎

崇敎與僧官

能書晉公子清宦稱高情海樹朝帆遠江風夏服輕官從三省去僧出萬  
山迎誰說簪纓累名林得按行

吳中送顧生歸海陵

涼風初變柳歸興片帆孤家向三秋到田經幾歲蕪舊音猶帶楚新夢未  
離吳明日江南北相思有鴈無

園中

席煖林中憩衣涼水上歸腐瓜蟲食徧空樹鶴巢稀邂逅幽尋得參差薄  
願遠喜無來往者秋草淺園扉

城西客舍送周著作砥

客中寒食後惆悵送君違花隱歸城柿風吹渡水衣夜窻炊黍散春苑園  
茶稀誰念西齋雨相思獨掩扉

兵後出郭

俯仰興亡異青山落照中民歸辭樹在兵去壘烟空城角猶悲奏江帆始  
遠通昔年荆棘露又滿闕閭宮

送張羽後夜坐西齋

閒齋聽鐘坐憂緒恨多端鳴鴈雨中急離人江上寒秋燈下水葉化庭隔  
風滿別後情蕭索方知舊會歡

徐山人別墅

茶香孤墅發竹色四鄰分掃地侵蟲字開窗散鳥羣樹涼池過雨苔潤石  
生雲我出無車馬偏宜訪隱君

客館秋懷

獨臥愁空館牆陰野豆開暑將潮氣斂秋與竹聲來身賸多遠志時清少  
棄材慙非張仲蔚門戶有蒿萊

秋夜宿周記室草堂送王才

相別還相戀秋宵暫對牀入情貧後見客况醉中忘池柳疎舍吹江雲薄  
歲霜離舟待明發愁思劇茫茫

江上雨

冥冥衆樹昏浩浩一江渾急有迴風的輕無入霧痕鳥啼叢竹嶺人臥落花村門巷春泥滑誰來共酒尊

送賈二進士歸省

年少搜詞華曾看手八義晨裝歸路雨春酒別筵花馬帶雲遊嶺人同燕到家罷官趨覲好不是謫長沙

送錢氏兩甥度嶺

京送投荒去應歸下滄營一家十口散萬里兩身行洞接欺商市山題嶺客名江邊南望泣不盡潯陽情

送客歸閩省觀

秋城聞砧砧歸思忽盈襟客久依人福親衰念子淡青山分嶺路紅荔州鄉林茂水還堪樂何須季子金

問明佛舍訪呂山人

憐君不出院結夏與僧同陰竹行廊遠香花掩殿空淚分齋鉢裏書寄山中茶安歸來晚西林一塔風

答宗人庾夜飲王氏池亭見懷

遙聞池上酌涼夜失炎天酒碧傾常竹衣香坐近蓮  
沿波人弄月翻樹鳥鳴烟座上誰相憶唯應是惠連

賦得蟬送別

疎槐細柳中涼占一枝風蛻出形猶弱驚飛響未終  
雨來林館靜日下驛門空離管算前發悽涼調正同

何隱君小墅

移家營別墅一運竹扉開泉滿流渠放花多借地栽  
壁間田器掛窗裏浦帆來自戀幽居樂誰言是棄材

贈張明府

聞道彈琴處門前柳帶沙海珍通估市湖稅減漁家  
暮港迷荷葉秋田闌豆花亂來無此地君政亦堪誇

送唐博士肅移家醉李

楊柳發初齊春陰廢苑西故人乘醉別新鳥傍愁啼  
舟重全家去詩多一路題杏花開北郭誰復共招携

贈妓

樂籍小名收侯家舊主譔笑能撩客喜醉肯逐人留蝶識薰香氣鶯慙度  
曲喉更憐諳酒令少日住揚州

送顧倅之錢塘

之官卽勝遊送別漫多愁草色荒宮燕槐陰遠驛騎湖通朝汲井潮動夜  
眠樓早向臨平過荷花已欲秋

答高廉同飲後見寄

竹林清暑宴客散獨歸時愁寄歡餘別醒慙醉後詩蟬催斜景急鳥度廣  
川遲何事聞鐘處勞君尚遠思

沈徵士茲野亭

清時猶在野獨臥見高情移艇聞烟唱釣簾看雨耕江晴雙鷗下樹晚一  
牛鳴回首徒相憶柴車不入城

贈朱山人

老來嫌眾累依間獨開房積雨苔生桁迴風葉滿牀學僧持淨律避客錄  
奇方若問塵中事無間不是忘

溪上

秋色共溪長遊人笑語涼  
萍開天倒影蓮墮水流香  
魚鬣和星澆禽豈帶  
雨張從今搖桂棹不必問瀟湘

次韻楊儀曹雨中

雨巾池閣曉清簾  
鴈文漪陰恐晴期遠  
寒疑暑候遲  
荷高擎欲折柳重輕  
難欲應阻陪高咏開簾看散絲

寄錢塘諸故人

年少客名都狂遊每共呼  
荷凌筆在舫竹靜矢鳴壺  
明月潮千里殘陽雨  
半湖故人能念否歡意近來無

送烏程馮明府

青山若下南一騎入晴嵐  
縣治琴聲古泉香酒味甘  
竹欄春護鴨葦箔夏  
分豔大小馮君後傳家爾最堪

病目

閉目洗黃連茂窓坐兀然  
未忘聽鳥與暫絕看花緣  
問女知簷日喚奴良  
寬烟願因無見處得誰定心禪

病目不飲

惠目未全明醫救謝總生暫從彭澤止恐學左丘盲壁下蘭草掩林間藥  
日鳴坐聽連日雨何物慰閒情

賦得蟹送人之官

吐沫亂珠流無腸豈識愁香宜燈實晚肥過稻花秋出觥來浹浦隨燈聚  
遠洲即齋初退食可怕有監州

江上早發

蒼蒼汀霧起何處望高城游子晚初發居人寒未耕犬鳴林月落魚躍浦  
風生已有先行者烟中聞棹聲

客舍喜姪庸至

客裏逢人喜相過况阿宜遠遊驚歲晚多難惜門衰帆落江橋近鐘末野  
店遲一杯燈下語渾似在家時

天周記室

萬里一羈臣悲歌楚水春漫期重會面竟作永傷神主祭唯孤姪收詩有  
故人阿揮聞笛淚斜日下西鄰

過永定廢寺

亂後僧何去門閉落葉時  
盡昏秋益老齋斷午禽飢  
罷說傳心法猶看賜  
額碑不知興壞理來此豈無悲

楓橋送下鳳

紅葉寺前橋停君晚去  
恍醉應忘世難歸不計程  
遙山隱初沉日風催欲  
上湖離魂來此處還似瀟  
陵銷

盜發漢侍中許或墓

古冢竟誰穿虛傳銅鼓  
堅玉魚宵已出石獸曉猶  
眠長夜俄看月幽臺不  
掩泉須知摸金者亦到漢  
陵前

過海昌贈李侯

閒廳盡下簾秋色滿疎髯  
久戍殘兵老多貧長吏廉  
陰風潮動郭晴日地  
生鹽三老相逢說年來戶  
牒添

送易從事祖欽南渚

疎楊映老荷別處故秋多  
送客年年路愁人日日波  
霞明添醉色風急斷  
離歌莫爲官程促青山易  
看過



題張靜居畫

楚客寫荆岑，秋雲隔浦陰。人家連橘塢，水廟映楓林。亂後清遊歇，愁邊遠色淡。相看休向晚，怕有峽猿吟。

夜懷王校書

燈暗獨吟餘，疎桐月滿除。蟲寒初入戶，鼠餓欲侵書。河漢三更望，江湖兩地居。相思無去夢，今夜恨何如。

答陳則見寄

何由慰遠思，獨詠寄來詩。行路方難日，清秋欲盡時。江多驚鴈火，樹少宿烏枝。早晚如相見，應憐有鬢絲。

黃藥

藥燥井泉清，山窻藥在鋪。燈前看火候，枕上聽潮聲。月上吟方就，香來病已輕。何時采芝朮，養得羽輪成。

夜投西寺

江月上秋衣，來敲遠寺扉。樓禽驚客至，睡僕訝僧歸。鐘度行廊盡，燈留浴

堂黃。非無招旅館，禪寂願相依。

送石明府之崑山

茂苑行春罷，驚琴又向東。湖兼數里外，山色半城中。帆帶桃花雨，衣翻柳絮風。島夷聞善政，爲有舶船通。

過城西廢塢

亂前遊最熟，亂後問都迷。園散莪花塢，林荒采菊蹊。泉流園漢斜，日下城低唯。有烟中鳥迎人似舊啼。

送范架閣赴嘉禾兼簡李使君

陸相祠前路，孤舟欲上時。空江難晚別，荒郡易秋悲。月送潮聲早，雲隨鴈去遲。喚中知有子，太守只題詩。

喜呂山人見過江館

非君憐夙契，誰肯領柴門。日短清江路，風高大樹村。交呈新著稿，同發舊藏尊。莫便尋歸棹，心懷未盡論。

贈鄰友

同居一場中，只隔水西東。林近青燈露，溪迴酒舫通。放兔長合隊，移竹每分叢。只恐君微起，難期作兩翁。

宿道王蘭若

借榻到僧扉，雖安未是歸。冥禽愁雪意，夜篠助風威。燭盡思燃帶，衾寒起覆衣。不知孤棹去，明夕更何依。

與詩客七人會飲余司馬園亭居皆在北郭

情與酒兼和，園亭駐晚珂。家同榆社近，人比竹林多。短景催長宴，醒吟雜醉歌。亂離歡易失，無厭數相過。

登西澗小閣

層檻構雲牢，清寒酒客袍。石稜添澗險，閣勢借峰高。風竹驚樓鳥，霜藤繞飲。深欲題，因境勝不敢易揮毫。

江上答徐卿見贈

烟樹近於陵，扁舟晚獨乘。江黃連渚霧，野白滿田冰。往事愁人問，虛名畏客稱。無才任蕭散，敢望鶴書徵。

除夕客中與家兄守歲

雨雪遶村中，猿鳴旅館空。守爐消夜漏，停燭待春風。有恨能催老，無文解送窮。却辭今夕酒，還與弟兄同。

南溪晚歸

流水出雲根，遙通古寺門。山深僧少俗，人靜市如村。馬渡知長港，魚行見不渾。多情溪上月，歸路照黃昏。

丁孝廉惠冠巾

知試山人暇，冠巾遠寄車。佳名因子夏，舊製學林宗。裝映秋吟髮，欲宜晚醉容。朝簪今已解，期上華陽峯。

西園問興二首

看到竹過鄰園林，獨臥身鳥聲。閒似野人意，倦知春殘雨。鶯池樹斜陽照，陳塵如何堂上客。不及燕來頻。

當路關追攀，端居自掩關。聽鐘知近寺，看畫憶登山。晚櫛風林下，宵吟雨閣間。天應憐我懶，獨與少年閒。

送謝恭

涼風起江海，萬樹盡秋聲。搖落豈堪別，躊躇空復情。帆過京口渡，砧響石頭城。爲客歸宜早，高堂白髮生。

步至東阜

斜日半川明  
幽人每獨行  
愁懷逢暮慘  
詩意入秋清  
烏啄枯桐碎  
蟲懸落葉聲  
如何得歸後  
增似客中情

郊野雜詠 十一首

工水合西東  
鄰家是釣翁  
荊路寒溪草  
沒井脉暗湖通  
蘆隔蔬邊雨  
門開竹下風  
不因時貨替  
何事入城中

此鄉堪避地  
亂後戶翻增  
俗美溪欺客  
年豐愛施僧  
帶星耕處輒  
照雪紡時燈  
且作求田計  
元龍豈我能

幽事向誰誇  
孤吟對晚沙  
浣衣江動月  
繫艇岸垂花  
行蟻如知路  
歸兔自忘家  
一尊茅屋底  
隨意答春華

春泥染下路  
孤策自扶行  
身賤知農事  
心閒見物情  
魚鳴風欲起  
牛飯月初生  
春暮春無人  
識句頃易姓名

修家到清澹  
少為便相親  
地僻偏容懶  
村荒却稱貧  
犬隨春筍女  
雞喚曉畦人  
願得無愁事  
閒送老光身

紛紛耐人役  
寂寞與吾居  
春雨春零後  
斜陽杜飲餘  
岸花飛趣蝶  
池葉落驚魚  
好了公家事  
休令吏到廬

路迂橋斷處門靜攬眼時孤墅葺草柳諸田流  
一陵儻同春作少婦懶午  
杖遲誰道花源好還令太守知  
虛閣近鳴湍應宜把一竿雨傷春寒烟風折晚蒲乾抱幾臨江汲携書入  
寺看自慙何獨幸世難此偷安

亂清交交白平蕪漫漫青賣薪沙店遠新殺水祠靈密雨侵簷重微風過  
網雁江邊多酒伴春去不曾醒

入夜潮侵戶經秋雨壞垣里人淳少訟田父醉多言稻蟹燈前聚莎蟲機  
下喧自應耽野趣不是忘鄉園

欲沽嗟市遠烟火隔江波客到寒齋少人啼晚渡多汗青燈燼落然枕櫂  
聲過豈敢愁荒寂時危免負戈

野色迥蒼蒼開門葉滿塘僧來雙屐雨漁臥一船霜靜裏脩香傳閒中錄  
酒方平生當世意到此坐成忘

紅樹南江近青山北郭遙江清目渺渺林冷髮蕭蕭食餚知是釣聽歌識  
暮樵尋常送歸客不遇水西橋

何處可徘徊林間共水隈夜歸家人識春睡野禽催有地唯栽藥無村不

見梅興來懸獨飲時嘆老農陪

狂多愛出遊日日問江頭小  
草肯春意遙山自晚愁酒中時有得物外復  
何求不味騷人調轉無任滿洲  
居似臨邛宅耕非郭杜田已債輸稅米未覓賣文錢把卷憐長日看花愧  
少年情然閉門處楊柳結綠邊

送何記室遊湖州

殊有關城獨去遲少年心事初相知故人當路輕貧賤倦客逢秋惡別離  
疎柳一填江上酒亂山孤棹道中詩水嬉散後湖亭廢此去煩君手牧之  
江上寄丁校理昆季

望裏烟生是子家草堂應近春分沙江汀每恨無舟渡野墅空憐有酒除  
半雨暮城風外雪孤梅春動鴈中花相思尚隔前村遠獨倚柴門數去鴉  
送頭車谷子梁溪

新柳休攀短短條  
輕絲似雪未能銷  
春回窈窕遊芳草  
人渡空江正落潮  
德曜宅前今獨去  
平津門下舊相招  
重來莫在花開後  
擬聽狂歌醉幾朝  
白蓮寺次韻杜進士喜予見過話舊之作

不許嗚榔遠相尋欲向江齋伴旅吟百事未成年已長幾時纔別夏將漢  
堂留倦蝶連池綠樹帶殘鷺滿寺陰恐被老僧嫌滯礙舊遊休說更傷心

期徐七遊雲巖

憶與青山別幾時雲松應恨鶴歸遲少知學道貧非病閒愛談禪偶是詩  
女浣曉江烟森森人行暮苑麥離離明朝風雨還同往恐負高僧石上期

賦得寒山寺送別

楓橋西望碧山微寺對寒江獨掩扉船裏鐘催行客起塔中燈照遠僧歸  
漁村寂寂孤烟近官路蕭蕭眾葉稀須記姑蘇城外泊烏啼時節送君違

聞朱將軍戰歿

江浦戈船赤幟稀孤軍落日陷重圍鏡中蛇墮占應驗牙上梟鳴事已非  
殘辛自隨新將去老親空見舊奴歸聞雖此夜誰同舞西望秋雲淚洒衣

送何明府之秦郵

何淮東人已三為縣令

馬前風葉助離聲楚驛都荒不計程一令尚淹三縣事幾家曾見十年兵  
夕陽遠樹烟生成秋雨殘荷水繞城父老不須重歎息君來應有故鄉情

過野寺次韻徐廉使琰舊題



使節東來按部迴，曾將從吏到香臺。秋林數騎蕭蕭去，晚澤孤鴻噉噉來。  
鎮雨濕衣溪路轉，白風吹帽殿門開。當年物色難留與，題壁慙無子美才。  
送蔡陽公行邊

風卷雙旌雪覆鞍，遠騎白馬出行邊。兵馳空壁三千帳，客宴高堂十萬錢。  
屏裏舊圖魚腹印，燈前新注豹韜篇。功成他日論諸將，只有荀郎最少年。  
婁江寓舍喜王七偶見過却送還郭

送君只過孝廉橋，不似君來訪我遙。路未同歸鴻杳杳，門方孤掩竹蕭蕭。  
遠愁忽與鐘聲至，我醉微兼榻燭銷。莫道扁舟難重過，寒江日自有迴潮。  
送葉御史還院西公懷兼簡周軍咨

落石開城鈞鼓笳，遠遊驛汝尚無涯。壯身謾託三公府，婦夢難尋萬里家。  
投騎暮山燈照葉，待潮秋渡棹粘沙。軍中記室能相問，只說愁吟對菊花。  
西塢

空山啄木聲敲鏗，花落水流縱復橫。松風吹壁鷓鴣啼，梅雨過溪魚子生。  
尚有人家棧杆遠，更無塵土衣裳輕。斜陽已沒月未出，樵子歸時吾獨行。  
過海雲院贈及長老

納排寒雲老一丘遊方無夢轉悠悠茶香吹過前林晚菜葉流來別澗秋  
舊拂講餘懸壁上殘經定後落牀頭紫藤塢裏歸逢雪煨芋曾煩慰客愁

送錢塘守

繁華莫歎異昇平到郡初煩露冕行快下吏書催署字湖中妓勸飲歌聲  
湖來兩渡皆侵岸日落諸山半入城休沐南屏煖一到松間尋我舊題名

張山人見訪留宿草堂

夕陽欲沒靜沙墟喜子能來慰索居生事蕭條慙客裏交情契闊嘆兵餘  
買魚急喚臨江艇炊黍深聞映竹厨屈指故人能幾在莫辭同醉臥田廬

陪臨川公遊天池

騎馬尋幽度嶺遲老僧不識使君誰門開紅叢林間寺泉漫青山石上池  
殘粟已收猿食少枯松欲折鶴巢危壁間不用題名字無限蒼苔沒舊碑

客舍歲暮

空江寒雨送淒涼離舍無多卽異鄉井臼尚勤慙德曜音書未至憶平陽  
心輕別歲憇年少夢裏還家及夜長自笑病來詞賦拙懶從枚叟客遊梁

江上晚眺懷王著作

渡頭西望足離情  
絕水寒山雪後清  
獨立斷冰流漸遠  
鴉隨錢照去還明  
漁人笛過風生浦  
估客帆迴樹隔城  
范蠡祠前春意動  
思君欲放酒船行

答徐七記室病中作

空齋孤枕積書間  
清瘦憐君變舊顏  
累少亦憂今日亂  
病多應賴此身閒  
朝辭鄰友看花去  
晚候家僮買藥還  
知是苦吟猶未廢  
水邊淡樹掩柴門

遊雲巖值雨

溪殿幽廊映竹開  
鳥聲忽斷雨聲催  
醉生偏上題詩壁  
花落還臨說法臺  
林下聞鐘諸客散  
磬邊汲水一僧來  
晚晴更好看山色  
西閣憑欄獨未迴

宿張氏江館

極浦荒雲一棹行  
遠投江館駐宵程  
客中得酒銜悲喜  
亂後逢人說死生  
木葉未空寒鳥聚  
海潮欲上曙雞鳴  
政憐此地無驚擾  
婦夢如何又入城

送李使君鎮海昌

州有雙廟

海風千里捲雙旌  
按轡初聞屬部清  
人雜島夷爭午市  
潮隨山雨入秋城  
鳴孤不近睢陽廟  
突騎猶屯廣利營  
肯掃帳中容我醉  
夜淡燉燭臥談兵

賦得惠山泉送客遊越

少波流甘漱石牙潤通鈎麓樹增華汲來曉冷和山雨飲處春香帶湖花  
合契老僧煩每護修經幽客記曾誇送行一斛還堪贈往試雲門日注茶

寄題張著作菁山隱居

霞映青山似赤城啼樓閣已謝時名半湖殘雨收虹影幾樹斜陽帶鳥聲  
竹下逢僧投杖揖蘿間候客抱琴行平生應笑王夷甫末路方言少宦情

送胡孝廉布東遊

春色偏傷楚客心日斜芳草鷓鴣吟山遮故國千重影雲度長江一片陰  
少婦自挑燈下錦諸侯誰贈橐中金送行只恨華觴淺不似同袍別意深

送任兵曹赴邊

少年恥着惠文冠幙下持時把劍看官燭未銷雞送曉軍笳忽動馬嘶寒  
關連遠樹征途迥寒接空蕪戰地寬見說長平門下客奇材唯一任安

秋日江居寫懷

七首

每看搖落卽成悲况在漂零與別離為客偶當鱸美處思兄正值鴈來時  
天邊暝爲秋陰早江上寒因歲閨遲莫把丰姿比楊柳愁多蕭颯恐先衰  
葭莖連秋渺渺長歸舟猶欲滯江鄉客衣欲冷鄰機急農事初成野飯香

千里斷雲遮鴈鴦半村殘照送牛羊有愁不解登高賦空使頻回宋玉腸  
舌在休誇術未窮且持麈尾託漁翁芙蓉澤國瀾漫雨禾黍田禾掩冉風  
身計未成先業寤心快欲說萬文空楚雲吳樹無窮恨都在蕭條隱几中  
風塵零落舊衣冠獨客江邊自少歡門巷有人催稅到鄰家無處借書看  
野蠶催響天將夕離豆垂花雨稍寒終臥此鄉廳不憾只憂飄泊尚難安  
桑芋新家次近居人烟沙竹自成墟移門欲就山當榻補屋唯防雨濕書  
貧爲湖田長半沒拙因世事本多疎當時亦有求名意自喜年來漸已除  
東風將家幸得全客中長恥受人憐妻能守道同王霸婢不知詩其鄭玄  
借得荒荒傍舍地分來灌菊別池泉却欣遠跡無相問一棹秋風笠澤邊  
秋塘門掩竹穿沙爲客郵沽未易除閒裏壯年慙白日愁中佳節負黃花  
漁村鷺鷥綠江暗幾從蕭蕭入圃斜薄俗相輕吾敢怨魯人猶自笑東家

寄倪隱君元鎮

名落人間四十年綠簾細雨自江天寒池蕉雪詩人晝午榻茶烟病叟禪  
四面荒山高閣外兩株疎柳舊莊前相思不及鷗飛去空恨風波滯酒船  
與杜進士寅登白蓮閣對雨

遠愁高樹共離離，風逆潮聲上浦遲。  
海客市中烟起處，江僧閣外雨來時。  
船歸香燭唯聞榜店懸，昏茫不見旗。  
回首南朝今幾寺，可堪重誅牧之詩。

與姪常遊東菴

水樹圍菴綠幾層，險中敲戶畫登登。  
十年重到猶爲客，半日纔閒且訪僧。  
舊履塵生跌後席，亂幡風颭供餘燈。  
高齋對作忘言坐，此事堪憐汝亦能。

謝周四秀才送酒

不忍醒愁只欲眠，幾日花發自江邊。  
欲沽百錢未易得，忽送一壺真可憐。  
梳頭好鳥語，颺下洗盞流水到門前。  
今朝得醉已無恨，不使春光空一年。

上巳有懷

春寒渾未減，征衣愁對佳辰坐。  
掩扉江上琴書留，滯久水邊車馬寂除種。  
閒園細雨梅花落，廢苑平蕪燕子飛。  
欲覓涼亭會中友，幾人邊請未能歸。

徐記室賁北嶠見訪南渚復送還城

初辭楚澤到吳村，訪舊嗟君古道存。  
欲治念念歸後計，難留款款坐中論。  
雪連似讓梅先白，月早如懸樹已昏。  
此別終非前別遠，孤舟江上莫銷魂。

被召將京師留別親友

大送遊人作遠行今朝還自別鄉城北山恐起移文請東觀懇叨論議名  
路去幾程天欲近春寒十日水初生只恐使者頻催發不盡江頭話別情

過故特第

甲第如雲紫陌東當年得意負邊功美人笑客登樓上假子將兵衛閣中  
溪計漫誇三篇困遊魂難返九原空門前車馬今誰到零落槐花向晚風

雨中寄劉沈二別駕

漠漠春寒水繞城誰家可作看花行一杯不得三人共二月都能幾日晴  
夢逐鶯聲風外斷愁兼草色雨中生畫船載妓南湖上不似年時放浪情

丁校書見招晚酌

正坐風愁不自聊遠煩舟楫暮相邀江懸落日脣三尺風折垂楊定幾條  
流水入花村杳杳幽人對酒屋脩脩此鄉不得君同客應是春來更寂寥

梅花六首

窈窕只合在瑤臺誰向江南處處栽雪滿山中高士臥月明林下美人來  
寒依疎影積蕭竹春掩鏡香漠漠首自去何郎無好詠東風愁殺幾回開  
竊挾相逢半是仙平生水竹有淡綠將疎尚密微輕雨似暗暹明遠在烟

江頭山家松樹下嫩寒江店杏花前秦人若解當時種不引漁郎入洞天  
翠羽驚飛別樹頭冷香狼藉倩誰收騎驢客醉風吹帽放鶴人歸雪滿舟  
淡月微雲皆似夢空山流水獨成愁幾看孤影低徊處只道花神夜出遊  
淡淡霜華濕粉痕誰施綉帳護香溫詩隨十里尋春路愁在三更掛月村  
飛去只憂雲作伴銷來肯信玉爲魂一尊欲訪羅浮客落葉空山正掩門  
獨開無那只依依肯爲愁多減玉輝簾外鐘來初月上燈前角斷忽驚飛  
行人水驛春前早啼鳥山猶晚半稀愧我素衣今已化相逢遠自洛陽端  
斷魂只有月明知無限春愁在一枝不共人言唯獨笑忽疑君到正相思  
歌錢別院燒燈夜粧罷淡宮覽鏡時舊夢已隨流水遠山臆聊復作題詩

觀軍裝十詠

胃

黃金肖虎頭乍免走臺曾還有從容處綸巾按劍遊

鎧

絲鞞鑲文銀高城日照鱗擐來曾攪陣鐵不傷身

蘇



楚歌野牛驚神專大將曾帥行當揭奈城下幾落生

刀

大令嘆千金氏精泣人陰燈前問理看無限計若心

弓

燕雨旋尺寸樓姐劈未聞秋風懸臂出何處一朶來

箭

流星逐飛羽鐵利能穿札三發定邊端腋中休滿插

笔

彩扇曳長虹怒怒寒風三軍齊陷陣應在一揮中

子

畫舫似蛇長誰論半段途日紅竟謂罷高宴卓沙場

袍

雕錦與花國三邊總認看尋常不肯看風雪念兵寒

馬

國門似春風連段得有力蹄高騎得轉身出萬軍中

李胡隱君

渡水復渡水看花還看花春風江上路不覺到君家

淵源堂夜飲

懸燈照清夜乘酒堂下雨客辭已無言秋蛩自相語

和陳左司夜泊剡江

月出釣臺樹長灘秋更喧漣如宿巫峽唯少一聲猿

過師子林

雨餘鳥語涼斜陽竹淡見頻來非看花借讀高僧傳

過舊送別處

前時送盡船西港柳株邊別處愁猶在死灰不肯眠

懷陳寅山人時居西山昭明寺

聞看西澗月秋閑與僧閒正是相思夜鐘聲若處來

略上人房竹

幽篔半梢橫山窻殿月明上人禪定久不怕有秋聲

別呂隱君

孤舟晚溪口欲去重回首不忍別青山况此山中友

隔簾聞歌

葉逐散烽飛湘雲隔枝衣誰能偷卷看認是小叢非

黃氏延綠軒

惹惹溪樹暗靡靡江蕪濕雨過晚開簾一時放春入

端午席上詠美人絲索釵符

臂頭長命纒百結更雙蟠怕有痕生肉教依玉釧寬

靈篆貯紗囊薰風綠鬢傍從今能鎮膽不怯睡空房

江寺雨中訪杜二

幾日纔歸舟同君野寺遊舊盟言未盡不是雨扣留

喜從兄遠歸

聞汝歸舟到相迎只恐遲方雷見時真還憶別時悲

寒夜與家人坐語憶客中時

茅屋夜坐青竹庭寒雪白不對室中人依朕去年客

江上漫成

春色到江濱  
江花樹樹紅  
吟惟憐客誰道亦逢春

雨中過玉遮山

松蘿急雨迴飛雨不到西門處  
露清冷千山一人見  
鐘聲入蒼茫一澗復一壑  
落葉去方溪山屏雨中掩

得家兄在遠消息

江上有歸舟  
傳兄在石頭  
知安雖暫喜念遠更成愁

赴京道中逢還鄉友

我去君却歸  
相逢立途次  
欲寄故鄉書先詢上京事

訪禪師室中晚坐

綠陰欲滿寺禽鳴  
春雨餘聊因簡牘暇  
窻下閱僧書

白葵花

素彩發庭陰  
涼滋玉露深  
誰憐白衣者亦有向陽心

馬氏東軒

陽和受最多  
爽氣看應少  
晞髮此軒前  
雞鳴海天曉

得家書

未讀書中語憂懷已覺寬燈前看封條題字有平安

期陳則不至開宿清隱蘭若

幽禽雨中響門掩春塘綠思君暮不來應伴山僧宿

碧筒飲

綠觴卷高葉醉吸清香度酒瀉正何如風傾晚盤露

曉騎山驛

風殘杏花曉馬上聞啼鳥茅店未開門山多住人少

焚香

斜靠動遠吹暗薰留微火心事共成灰窻間一翁坐

榴花

日炙態常醜香生若自焚夜來端午宴淡却美人裙

階前首

莫掃雨餘綠任滿閒階路留耕落來花春泥免相汗

題李迪畫犬

猶見偏吠客花下臥晴莎莫出東原獵春來近乳多

僧舍訪呂隱君為學上人題黑竹

山房竹雨過  
蕭影滿空雲  
得與幽人會  
何殊見此君

題孫卿家小畫二首

高嶺層層嵐  
疎林逗暎照  
何處覓孫登  
雲間聽長嘯  
前林遠杵歇  
別院疎鐘起  
行人與崖人  
同在秋雲裏

護竹圖贈內弟周思敬就題

竊窺復蒙籠  
千山萬竹中  
幽人夜驚起  
秋雨共秋風

題張來儀畫贈張伯醇

風起澗聲亂  
嵐寒雲氣淡  
山人歸臥晚  
詩意滿秋林

次韻及禪師懷王水曹

千峰一寺遠  
雲滿跣跡處  
無容伴孤禪  
懸燈照深樹

夜聞雨

應燭冷  
殘夜開蛩更  
聞雨秋館總多愁  
猶勝在羈旅

題方壺小畫

夕陽數峰遠  
露霽江南思  
烟外有鐘聲  
山僧獨歸寺

大鏡小鏡

溪水雖多曲舟行不憚除山山秋樹赤僧復似桃花

扇上竹枝

寒竹雖教葉高節傲霜風與竹隨團扇秋來想箇中

吳仲圭枯木竹石

遊藤倚倚柯秋陰雨尚多風霜莫搖落留蔭石邊莎

題倪雲林畫贈因師

空巖峰下路樹石盡垂藤欲認莓苔迹相尋行道僧

題徐山人畫贈內弟周思恭

抱澗棲車嶺雲嵐定志生君家還可認爲有讀書聲

訪因師而師適詣余兩不相值

我去尋幽院師來訪小園休言不相見相見本無言

題吳仲圭理畫

寒色空林野水清已在林邊山不能見抵爲晚烟淡

題畫贈別

舟暮歸去別路江南樹愁指楚山遙明朝望君處  
龍門飛來峰

風吹峨眉雲東依此山住我來不敢登只恐還飛去  
待渡

渡子未迴舟立傍沙頭樹天寒雪欲來莫滯人歸去  
西澗訪街上人

日暮肩餘雪望烟西澗陰不因師住遠何事到山深  
送人遊湘中

離恨掛帆檣隨君遠入湘飛花蕩春影江水不勝長  
蔡村田家

田中未聲歇烟火西林起獨立候歸人柴門夕陽裏  
夢中作

悠悠衆擾去寂寂孤吟歇雨過滿窻涼高林上明月  
馬周兄太宗圖

封事朝聞夕拜官新豐無復客衣寒昔生未有為肩相只說君臣際會難



開舊教坊人歌

渭城歌罷獨淒然不及新聲世共憐今日岐王賓客盡江南誰識李龜年

山中別寧公歸西塢

一上香臺看落暉沙村孤樹晚依依老僧不出青山寺只有鐘聲送客歸

秋柳

秋挽長條已不堪都門無復舊氈氍此時愁殺桓司馬暮雨秋風滿漢南

送賈麟歸江上

別淚紛紛逐斷猿貧交無贈只多言離愁正似薜蘿草一路隨君到故園

秋夜同周著作宿叢浦

小屏寒依竹浦雲酒闌相對說離羣一聲新鴈誰先聽今夜江南我共君

方匡師畫

畫圖忽見白雲峰茶屋香燈樹幾重身若在師行汎處晚來唯訝不聞鐘

送陳秀才歸沙上看墓

滿衣血淚與塵埃亂後還鄉亦可哀風雨梨花寒食後幾家墳上子孫來

送呂卿

送汀斜日思悠悠花拂離觴柳拂舟江北江南芳草過送君併得送春愁

客陳棧理落花已落之作

君來春去不相聞空有新愁鏡舊枝總得花看能幾日最難留惜是芳時

舟中間歌

水柵孤燈照客舟江南誰解唱甘州尋常醉賞尊前曲何似今朝聽得愁

春思

愁兼楊柳一絲絲客舍江南暮雨時自入春來才思減杏花開過不題詩

入郭過南湖塔報恩浮閣

雨過春波柳浪香布帆歸緩怕斜陽漁人爲指江城近一塔船頭看漸長

廢宅芍藥

昔年花發要人催今日無人花自開猶有園丁憐國色時客開客借看來

登江閣遠望徐記室與杜進士同賦

憑闌兩客思同此日同吟只欠君江閣雖高猶不見幾取山水幾重雲

夏夜宿西園酒醒聞雨

飛蟲繞燭夢迴遲荷葉奔鳴雨一池不爲素絲猶在卜定疑秋夜乍寒時

人睡蕭蕭院落空未秋愁已怯梧桐夜長猶幸西軒雨一半聽時在醉中

聞笛

橫吹纒聽淚已流寒燈照雨宿江上悲君莫作關山曲亂世人易得愁

慰周著作悼亡

笑披紗扇憶當年只有卿卿最得憐今日料應花不住夜燈相伴室中禪

山寺日雨還西郭

乘藥翻翻滿寺秋出門風雨未全收自慙騎馬非閒客可是山僧不解留

蘇李泣別圖

丁平海上節毛稀幾望南鴻近塞飛泣盡白頭相別淚少卿留虜子卿歸

江上偶見

阿姬不復晚寒多綠紗紅衣柳下過滿浦秋衣已零落如何猶唱采蓮歌

過保聖寺

隔江寒霧隱樓臺遠鐘聲放艇來亂後不知僧已去幾堆紅葉寺門開

王七招飲余遊紫藤塢值雪失期

瓜舟山水雪晴詩看刊梅花一萬枝東施題詩西施醉等閒忘却故人期

江上送客

春風江上蕩舟過垂柳垂楊拂浪波惆悵今年頻送客長條欲折已無多  
期諸友看花園杏花風雨不果

欲尋春去怕春休又值春陰不得遊寂寞西園風雨裏杏花比客更多愁

逢張架閣

花落江南酒市春逢君歸騎帶京塵一杯相屬成知己何必不生是故人

山中春曉聽鳥聲

子規啼罷百舌鳴東曉臥聽無數聲山空人靜響更切月落杏花天未明

與親舊飲散出抵城西客舍賦寄

吳王廢苑草青青一騎今朝發野亭誰道別君行路遠去時人醉到時醒

過山家

流水聲中響緯車板橋春暗樹無花風前何處香來近隔庵人家午焙茶

雲山樓閣圖

碧樹香臺錦繡連畫師應見亂雛前如今風景那堪寫廢寺空山鎖暮烟

如白西山移寓江渚夜聞雨有作

客身移宿浦雲東孤館燈與舊同夜靜空江無落葉雨聲驚不似山中

晚過浦西橋

春水何長春日短沙鴨交眠綠莎煖晚過橋西不見人野梅零落江梅斷

歎庭樹

偶移弱質傍庭皋風露離離已便高翻笑園中栽樹者十年猶未出蓬蒿

雨中春望 別在園中

郡樓高望見江頭油壁行春事已休落盡棠梨寒食雨只應啼鳥不知愁

夜齋見螢火

拂竹綠莎復點臺夜牕無月見飛來舊詩亂後都拋却懶就微光更展開

湖上見月憶家兒

望月思兄意轉迷孤帆應宿楚雲西夜渡愁向湖邊立爲有寒鴻相並棲

逢吳秀才復送歸江上

江上停舟問客踪亂前相別亂餘逢暫時握手還分手暮雨南陵水寺鐘

送到將軍

湖風吹沙復吹雪笑解吳鈞初欲別酒酣擊筑和悲歌將軍出關車騎多

大約春日設興四首奉酬外司達翁

老去風清似樂天，恨無張態抹朱絃。  
一春酒病稀遊賞，啼鳥鶯花共悵眠。  
水邊漸放遠龍花，遊女時時出浣紗。  
記得橫塘沽酒處，畫船明月載琵琶。  
雨多池館草氈紅，酒色寒銷舊綉衫。  
燕子似憐花落地，殷勤長帶軟泥銜。  
芹浦葉老正花新，地撥鴛鴦讓水紋。  
不上高樓無遠恨，江南春盡草如雲。

同文

風簾一蜀對殘花，薄霧寒籠翠袖紗。  
空院別愁驚破夢，東關井樹夜啼鴉。

春日懷江上二首

一川流水半村花，舊屋南鄰是釣家。  
長記歸篷載春醉，雲籠殘照雨鳴沙。  
新蒲正綠乳兒鳴，水沒漁梁宿雨晴。  
看近清明泥補日，野人何事不歸耕。

醉仙園

酒滿長生癭木瓢，花開仙館宴春宵。  
飛瓊何事堅辭飲，應恐清都誤早朝。

觀弈圖

錯向山中立看棋，家人日暮待薪炊。  
如何一局成千載，應是仙翁下子遲。

江村即事

野岸江村雨熟梅水平風軟燕飛回小舟送爾新包料遠飾招沽竹隱階

偶睡

竹間門掩似僧居白蓮花開片雨餘一榻茶烟成偶睡覺來猶把讀殘書

舟歸江上過斜塘

漫漫村塘水浸沙清明初過已無花春寒微雨歸心急懶住扁舟問酒家

西齋庭前海棠

寂寞銀燭與金盤睡足曠前怯晚寒不是詩人賞幽興雨中淡院有誰看

次張仲和春日漫興

蘇小墳前柳似秋千人醉夕陽天獨騎款段尋詩去懶逐看花東少年

與內弟周思復遊西陂僧舍

同過溪橋日欲晴遠林紅葉似樓烏照公院裏堪留宿已有梅花有酒無

白傅空酒圖

相逢空酒圖天運舟泊益江近荷花逐客青衫白多淚傷心不用悲悲甚

客夜聞女病

大生時聞尚存我不知又聞誰語隔鄰兒女燈前笑客含愁中正獨眠

秋江晚渡圖

鷗鷺飛盡一洲清  
帶秋雲度遠津  
底事愁看畫中景  
昨朝曾送渡江人

夜中有愁

少壯無歡似老時  
身窮家坐苦吟詩  
臥思三十年來事  
一半閒開在亂離  
倦僕厨中睡已安  
吹醒所起月霜寒  
酒醒無限悲歌意  
不覓書看覓劍看

過北塘道中

未得看春愁不禁  
此日却復試幽尋  
行人入村花宛宛  
吠犬隔水樹深深  
春水滿田如一湖  
人田攸變看鵝雛  
女郎祠下野花雜  
老子門前沙樹孤  
若欲看春春色稀  
亂後何處有芳菲  
晚鶯啼歇野寂寂  
雙樹溪邊人獨歸  
渺渺一逕兩陂間  
楊柳初發水潏潏  
驚魚忽散人影盡  
啼鳥時來春意閒

夜雨江館寫懷

愁解尋人不得辭  
小廳疎竹雨來時  
江湖今夜全家客  
酒勝飄零兩處思  
漠漠春寒水繞村  
有愁無酒不聞門  
青燈盡角黃昏雨  
客共梅花併斷魂

余徵士攻山中見過留宿

夜聽同聽雨中發  
風物淒涼異故園  
舊事堪愁今懶說  
相看不是解忘言



莫辭同宿掩青幃  
亂後蕭條故舊稀  
願恐明朝風雨歇  
滿江春水送君歸

過流通院二首

僧懶開門見客遲  
空林流水日斜時  
欲留詩句知曾過  
我後來看竟是誰  
橋袖林中薜荔垣  
幽尋幾度入秋園  
雖狀老衲無閒見  
猶勝相逢俗客言

送丁孝廉之錢塘就簡張著作方員外

江邊同客亂離餘  
遠別那堪近歲除  
若見故人詢旅況  
知君解詁不煩書

遊幻住精舍

寒扉斜向竹間推  
此日重來是幾迴  
行過空林僧不見  
慰人憐有一株梅

效香齋二首

青瑣初空別恨長  
繡茸留得唾痕香  
簾前月出無人拜  
只有秋千影過牆  
開過東窗百葉桃  
琵琶塵滿縷金槽  
欲呼小字敲梳閣  
誰出相迎拔剪刀

江上逢舊妓李氏見過四首

玉簫紅燭點春羅  
慣向高堂聽汝歌  
今夕相逢爲重唱  
孤舟江冷月明多  
金罍停舟共一卮  
石州謠罷各低眉  
南園舊日同聽客  
零落如今剩有誰  
誰識能譚舊散聲  
愁中聽處尚分明  
玲瓏酒罷休催去  
月落江湖尚未平

平常歡對不能開多在青春甲第間借問年來還到否朱門風雨幾家開  
九月八日對物

預向籬邊把一杯黃花多意已能開不憂風雨明朝阻懶逐時人鬪折來  
舟行晚過張林

望山幾欲去尋幽此日雖來不暇遊一棹黃昏過山下疎燈絡緯滿林秋  
送葉山人

歲晚麻衣冒雪寒高歌欲去醉長安山孤行負知何有半是詩九半葉九  
看梅漫成三首

江草初生江水流便覺春色惱人愁雪晴家家扣門去不見梅花應不休  
江邊寺裏一梅樹幾度勞人相候開無情今日未肯發有與明朝還看來  
野人不省愛梅好棄在荒籬荆棘邊細雨東風欲零落我來相見一潸然  
夜至陽城田家

東津渡頭初月輝南陵寺裏遠鐘微主人夜門未掩蒲響滿塘鷓鴣啼  
江村樂四首

荷浦張弓射鴨柳塘持雪叉魚人隨子宅同里陶朱公祠近居

一尺行隨陶楫飛繞綠車江邊女去摘芙蓉人來賣茶  
得掛漁郎舍外船維酒榼橋邊烟波五湖朝渡風雨孤村畫眼  
日斜波場牛臥潮落平沙蟹行秋社未開綠醞夜炊初碓紅杭  
讀道旁舊家碣上題曰宋黃潛翁先生之墓

古路斜陽廢城斷碑荒草燒塋莫嘆童豎樵牧不識先生姓名

楊氏山莊

斜陽流水幾里啼鳥空林一家客去詩題柿葉僧來供黃藤花

陶秘書廣陵送別

暮雨潮生瓜步春山樹掩蕪城惆悵離舟欲發江南烟寺鐘聲

列朝詩集

甲集第四之中終

列朝詩集

甲集第四之下

高太史啓

岳鳴集古今詩三百五十九首

送陳四秀才還吳

君是故鄉人同作他鄉住同來不同返惆悵臨分處手把長干花回望長洲樹恐起憶家心愁題送君句

贈楊榮陽

嘉陵美山水亦復富文彥楊君產其邦材拔性高狷布衣走名都早入藝林選客屈稷下談王邀鄴中宴出門得名聲不假親舊援匣劍未久埋藁雖已先見吐詞實瑰奇讀者心欲顛刀鳴鬪夫勇花安笑女倩如觀廣塲中百戲張曼衍平生眼無人遇我獨相善陌頭每並出兩騎無後先喜從兎園遊慙受狗監薦君歌我固服我賦君亦羨墮筵吟帽烏踏席舞裙茜醉中共笑語往往雜諧諺有時出城西山水恣攀踐巖眠曙猿驚澗飲夏鶯囀吳宮妓去榭蕭寺僧開殿龍門剝陰苔高什記題徧歡遊正相酣世事忽驚變朋儔半生死一世如激電我棹返江潯君車赴淮甸旋聞逐流

人居濠又移汴一身去何處空豪唯破硯危途晚行疲欲進足如胥狼來  
樹杪避蜩豸燈下見渡河自撐篙水急船斷絳及至秋已淡舊褐風裂片  
難尋高陽飲空手鄆陵戰取恩忽加憐收放佐山縣卑曹敢云辭執版謁  
府掾官庖盡炊藜民賦半輸絹低飛蓬蒿間不異雉帶箭有親寓京師季  
老闕供饌欲奉朝夕歎去職胡敢擅晨上宰相書得歸遂微願上堂具珍  
鮭呼婦賣釵釧我時別君久問訊愧無便空題憶君詩細字書滿卷今春  
被詔起前史預編撰始來長干門楊柳正飛燕逢君風塵餘不改舊顏面  
握手話苦辛悲喜雜慶唁客中雖無錢自寫賒酒券邀來臥東閣月出初  
鎖院君言涉艱難壯志今已倦回頭悟前非更名慕蓬瑗君近改名去非  
我聞棠谿金不復經百鍊胡爲誓失路遠欲老貧賤吾皇奮神武四海始  
安奠棧通諭夷文驛走徵士傳時巡抗霓旌肆覲冠星弁功成萬瑞集禮  
欲議封禪君才適時需正若當暑扇手持照國珠胸出補袞線便應上金  
鑾立對披天眷嗟余忝載筆鼠璞難自銜幸茲際昌辰魏闕寧不戀但憂  
誤蒙恩不稱終冒譴秋風楚潮滿歸舸帆欲轉君若念故交殷勤一相饒

送周四孝廉後酒醒夜聞鴈聲

別時酒忽醒客去唯空舍風雪  
鴈聲來寒生石城夜遙憶渡江船正泊楓  
林下

過白鶴溪

昨發白鷺洲今過白鶴溪溪流  
幾回轉只在晉陵西月出女猶浣雲深後  
自啼茅峰雖咫尺無計躡丹梯

睡覺

鑪熏霽宿潤秋滿林屏裏曙色  
透窻來幽人眠未起風驚露樹怯日出烟  
禽喜却憶候東華朝衣寒似水

效樂天

誰言我久賤明時已叨祿誰言我苦貧空倉尚餘粟辭闕是引退還鄉豈  
遷逐舊宅一架書荒園數叢菊俗緣任妻子家事煩僮僕性懶宜早閒何  
須暮年促猶著朝士冠新裁野人服杯棧午醉重被暖朝眠熟旁人笑寂  
寞寂寞吾所欲終老亦何求但懼無此福功名如美味染指已云足何待  
厭飽餘腸胃生疾毒請看留侯退遠勝主父族我師老子言知足故不辱

初入京寓天界西閣對辛夷花懷徐七記室

去季寺裏開辛夷君來憶我曾題詩今季我來君已去思君還對花開時  
欲尋花下君行迹日暮空庭古苔碧殷勤把酒問花枝看過春風幾行客

倉余新鄭

即余先世也可補余傳之闕

前季吳門初解兵君別故國當西行有司臨門暮驅發道路風雨啼孩嬰  
倉皇不敢送出郭執手暫立懷憂驚我時雖幸脫鋒鏑亂後生事無堪營  
移家江上託地主閒園借得親鋤耕春朝起沐日照屋野卉雜發鳴鷓鴣  
思君萬里不可見對此滄淚如盆傾有壺當軒忍自酌有句在卷邀誰評  
近役北郭問消息一客爲我言分明君初隨例詣闕下有旨謫徙鍾離城  
賚無囊金從無僕棄家獨去何惛惛長淮粘天趣前渡牙眼怖客浮鼉鯨  
到州鞠躬謁太守脫去官籍儕編氓城荒無屋寓來客旋乞廢地誅蓬荆  
異鄉何人恤同患喜有楊子兼徐卿日高破竈烟未起閉戶不絕哦詩聲  
去季聖恩念逐客特賜杖拭加朝纓救君赴汴聽銓擢路算舊驛猶千程  
沙河無雨夏雲熱茅葦夾岸多蚊蠹舟中感痛得下泄刀攪腸腹聞啾啾  
荒途無藥相救療伏枕兩旬幾殞生終藉神明佑吉士疾勢漸脫身強輕  
一官署作新鄭簿揀機已去詢田更我雖歷歷聽客語虛實未察憂難平

初象天子下明詔欲纂前史羅儒英非才亦辱使者召辭謝不得來南京  
日斜出局訪君舍草滿陋巷春泥晴入門小女識父友延拜學訴艱難情  
且云父意念家遠新遣兩卒來相迎須臾出君寄我札上有秀句如瑰瓊  
自陳前事頗一一與客舊說無虧盈讀終呼卒問彼士卒言幾季經戰爭  
河山蕭條縣雖小民少奸詐多淳誠春秋古稱節子園濠洎水活魴魚頰  
雌兔咻咻草間走雄雉角角桑顛鳴谷淡稀逢種田者時有射戶棲山棚  
霜大赤棗收幾困剝食可比江南杭官來撫民務無事鞭挂壁上無敲榜  
寒廳吏散獨坐肅遠對嵩少當簷極聞之離抱頓舒豁如吸清露醒朝醒  
便因卒還寄君語此邑小鮮聊試烹幸逢昌朝勿自棄願更努力修嘉名  
吾皇親手擁高簪酒掃六合氛塵清海中夷僮已入貢隴外戶版初來呈  
大開明堂議禮樂學士濟濟登蓬瀛大廟冬烝薦朱瑟千畝春藉垂青絃  
用材不肯略疎賤銖寸盡上天官衛况君磊落抱奇器不異一鶚秋空橫  
豈容久屈簿領下天道始塞終當亨文章期君歸黼黻借問報政何時成

送證上人住持道場

新公昔季住寶坊龍象蹴踏騰毫芒袈裟曾侍玉座旁萬衆聞聽講仁王



弟子如雲來四方，朝鐘暮鼓鳴高堂。西歸葱嶺今幾霜，鉢傳曇師道彌昌。  
叢林主教遇聖皇，紫衣朝闕隨班行。上人繼吐三葉芳，衲中長繫摩尼蒼。  
人間萬念俱已忘，獨好遊戲談文章。我來京師寄禪房，每邀看月開修廊。  
手橫蠅拂坐繩牀，竹間風吹煮茗香。侍僮觸屏睡欲僵，高殿宿鳥驚琅璫。  
詩成金磬韻尚揚，清才未必慙支湯。有時夜剪園韭嘗，燈懸西齋雨浪浪。  
人生聚散不可常，翩然東遊主道場。道場乃在雲水鄉，碧瀾堂前去路長。  
江湖寒縮蛟鬚藏，楓柏正赤橙柑黃。烟銷日出聞漁榔，洲渚宛轉山低昂。  
蕭然瓶錫隨經囊，留宿肯戀林中桑。兵餘莫嗟梵宇荒，勝景未逐樓臺亡。  
寺門無人閉夕陽，芋栗收作山中糧。好說千偈恢禪綱，歷斥佛祖誰敢當。  
我方無用糜太倉，叨逐劔珮趨明光。醉評欲覓玄真狂，懷恩未得尋歸航。  
明朝舉首空相望，雲飛笠澤天茫茫。

唐昭宗賜錢武肅王鐵券歌

妖兒初下含元殿，天子仍居少陽院。諸藩從此擁連城，朝貢皆停事攻戰。  
岐王已去梁王來，長安官闕生蒿萊。天目山前異人出，金戈雙舉風烟開。  
羅平惡鳥啼初起，犀弩三千射潮水。歸來父老拜旌旗，釀酒撻牛宴鄉里。

擊裘駿馬騎春風錦袍玉帶真英雄詔書特賜誓終始黃金縷字旌殊功  
虎符龍節形弓矢後嗣猶令故三死盡言恩寵冠當時天府丹書未踰此  
摩娑舊物四百季古色滿面疑蒼烟天祐宰相署名在尋文再讀心茫狀  
古來保族須忠節受此幾人還覆滅王家勲業至今傳不在區區一方鐵  
人生富貴知幾時泰山作礪徒相期行人曾過表忠觀風雨斷嶺埋殘碑

穆陵行

樓船載國沉海水金槌畫入三泉裏空中玉馬不聞嘶日落凝園秋色起  
魚燈夜滅隨戶開弓劍已出空幽臺髡胡暗識寶氣盡六陵松柏悲風來  
玉顏淡注駝酥酒誤比戎主月支首百季帝魄泣穹廡醉骨飲冤愁不朽  
幸逢中國真龍飛一函雨露江南歸環珮重遊故山月冬青樹死遺民非  
世傳有士嘗竊諸帝骨埋屏處樹冬青爲識千秋誰解錮南山世運興亡  
覆掌間起輦谷前馬蹄散白草無人澆麥飯未穆陵宋理宗陵也在會稽  
元至元初西僧楊發聳真住請發宋諸陵許之既取其殉寶復以理宗頂  
骨爲飲器後藉入官以賜帝師天兵克元初求符之命有司歸葬焉

穆陵行

穆陵行

穆陵行

題美人對鏡圖

曉院鹿盧鳴露井玉人夢斷梨雲冷起開粧閣笑窺奩月裏分明見娥影  
自對猶憐况主家春風一面惱腸花何由鑄入青銅內不遣秋霜換娥翠

客舍雨中聽江鄉吹簫

客中久不聞絲竹此夕逢君吹紫玉斷猿哀鴈總驚啼我亦無端淚相續  
數聲嫋嫋復嗚嗚散入寒雲細欲無愁望洞庭空落木夢遊秦苑總荒蕪  
曲中識訴君心苦不道人聽更悽楚關山燈下歎羈臣江浦舟中泣嫠婦  
憶昨闔門費酒貲玉人邀坐弄參差彩霞淡院花開處明月高樓鶴去時  
如今忽在他鄉外風雨寒窻兩憔悴恨無百斛金陵春同上鳳凰臺上醉  
始知解谷枯篁枝中有人間無限悲願君袖歸挂高壁莫更相逢容易吹

詠苑中秦吉了

不獨能言異凡鳥最愛佳名呼吉了雕籠幾度學雞鳴驚起烟花六宮曉  
鴛來別院未知迎先聽遙呼萬歲聲願把春風一杯酒從今莫聽上林鶯

夏珪風雪歸莊圖

江雲粘波晚模糊青山忽失如亡逋乾坤瑩淨冰作壺春意散入千林枯

野橋古渡行人無清響瑟索鳴殘蘆江天萬里一老夫短篋如蟻舟如魚  
魚寒入泥不上衣歸來遠識漁村孤柴門夜叩聞犬呼巡竹歷折誰相扶  
山妻自炊稚子沽不羨炙肉圍紅爐嗟余客遊歲屢徂詩囊隨驢走鬻奴  
長安何處覓酒徒飛花撲頭帽不烏旅舍無夢還江湖慙對風雪歸莊園

夜聞謝太史誦李杜詩

前歌蜀道難後歌偏仄行商聲激烈出破屋林鳥夜起鄰人驚我愁寂寞  
正欲眠聽此起坐心茫然高譎隔舍與相和雙淚迸落青燈前李供奉杜  
拾遺當時流落俱堪悲嚴公欲殺力士怒自首江海長憂飢二子高才且  
如此君今與我將何爲

贈金華隱者

我聞名山洞府三十六一一靈跡紀真錄金華秀出向東南遠勝陽明與  
勾曲樓臺縹緲開烟霞天帝賜與神仙家靈源有路不可入但見幾片流  
出雲中花子房之師赤松子三千季前亦居此飛行恍惚誰解尋漫說至  
今猶不死松花酒孰何處送瑤草自綠春巖幽羣羊臥地散如石老鹿耕  
田馴似牛聞有隱君子乃是學仙者自從入山中不曾到山下世人莫知

其姓名以山呼之不敢輕樵夫忽見苦未識識疑便是黃初平嗟我胡爲  
在塵網遠望高峰若天壤茯苓夜煮倘許矜鐵杖來敲石門響

登金陵雨花臺望大江

大江來從萬山中山勢盡與江流東鍾山如龍獨西上欲破巨浪來長風  
江山相雄不相讓形勝爭誇天下壯秦王空此瘞黃金佳氣葱葱至今王  
我懷鬱塞何由開酒酣走上城南臺坐覺蒼茫萬古意遠自荒烟落日之  
中來石頭城下濤聲怒武騎千羣誰敢渡黃旗入洛竟何祥鐵鎖橫江未  
爲固前三國後六朝草生宮闕何蕭蕭英雄來時務割據幾度戰血流寒  
潮我生幸逢聖人起南國禍亂初平事休息從今四海永爲家不用長江  
限南北

聖壽節早朝

天啓聖圖昌流虹叶夢祥飛龍起江左戰馬放山陽御柳乘開闔仙桃熟  
建章遠人陳貢篚近侍滬爐香金鏡千秋錄瑤池萬歲觴小臣歌拜手堯  
口正舒長

禁中雪

君王元尚儉臺殿忽瓊瑤環素凝宮沼飛花綴苑條坊雜驚曙早仗馬喜  
寒驕金扇開時看丹墀掃後朝台司呈賀表樂部奉仙謠須信陽光近都  
先別處消

早春侍

皇太子遊東苑池上呈青坊諸公

銅輦出紆徐春宮畫講餘戟煩郎將衛簡授大夫書草長園鳴鹿水開照  
躍魚從遊伴商皓忝竊愧何如

謝賜衣

臚呼遙捧賜拜服望蓬萊香帶熾烟下光迎扇月開奇文天女織新樣內  
官裁被澤徒深厚慙無奪錦才

西清對雨

楚臺雲起遠漠苑雨來微曉濕宮城旆寒沾陛楯衣溝中隨葉墮爐畔帶  
烟飛坐詠西清暇君王召對稀

夜宿太廟齋宮

身散廟堦空清香肅闕宮太常齋禁密列祖享儀崇井叩銅瓶月墀鳴玉  
珮風聽鐘候車駕庭燎已燼燿

送秦主客遷侍儀使

番客來曾識衣冠上國風  
承恩趨北闕罷直出南宮  
尊駕爐烟裏催班漏  
點中時清多奏頌還向閤門通

春日退直呈禁署諸公

待詔直窺華歸休每日斜  
職連詞客苑俸入酒胡家  
簷網長綦絮庭磚欲  
過花知君未出院應草侍中麻

送張司勳寶慶同知

乍出司勳幘還乘別駕車  
按圖猶漢地輸布盡蠻家  
山熱蛇懸樹江晴鶴  
浴沙邵樓回首處北斗近京華

寓天界寺

雨過帝城頭香凝佛界幽  
果園春孔雀花殿午鳴鳩  
萬履隨鐘集千燈人  
鏡流禪居容旅跡不覺久淹留

送前進士夏尚之歸宜春

淒涼吏開府老去復如何  
故國歸鴻少新朝振鷺多  
菊荒應自嘆麥秀竟  
誰歌相送堪愁思蕭蕭楚水波

早出鍾山門未開立候久之

關吏收魚鑰趨朝阻向晨忘鳴雞睡熱倦立馬嘶頻析靜霜飛堞鐘來月墮津可憐同候者多是未閒人

雪夜宿翰林院呈危宋二院長

偶伴王摩詰寒宵宿禁林院鈴風外靜宮漏雪中沉絳蠟銷吟燭青綾擁賜衾明朝陪賀瑞銀闕曉光淡

夜逢故郡賀冬至使胡普二博士同宿

會宿本無期忻逢兩舊知問季驚別久候曉畏朝遲寒溫高城漏陽迴上苑枝明朝使事畢歸騎又天涯

送鮑翰林遷官陝右

鑾坡初罷直西去惜離羣載筆唐供奉寒帷漢史君濁流河驛雨高樹岳祠雲公暇應懷古登臨賦夕曛

送曾主簿之平樂

路出桂江東鄉音想未通蛇飛山苦霧鵬運海多風木魅長欺客花蠻少學農縣廳何處在椰葉晚陰中



桓簡公廟

荒林慘淡中石馬欲嘶風功在山留碣威存廟掛弓飢鴉迎祭客走鼠駭  
巫童千載宣城道人憐內史忠

送前國子主助教歸臨川

去國獨依依羈臣淚濕衣夢中燕月冷望裏楚山微世變人驚老身全詔  
許歸舟前楓葉落應到故園扉

送潘巡檢之閩中

京師到閩海秋色幾程餘莎柵山兵守榕林島戶居曉衙雞應鼓晚邏騎  
隨車清世元無盜將軍好讀書

送思上人

名林雖盡廢南去只隨緣野飯晨留鉢城鐘夜到船虎馴應畏法鳥喚不  
驚禪他日期相見高峰舊塔前

宴王將軍第

流水通侯第行雲傍妓臺雨催牙仗散風引羽觴來曲學移聲按詩隨得  
韻裁莫令遊宴歇次第過花開

送朱從事之吳興

釋褐方從宦青山故郡鄰  
草深湖帶雨花暗驛藏春  
鼓聚祈盤女舟逢射鴨人  
懷中應待久徒此惜離辰

和友人過采石

山暝斷磯頭猿聲兩岸愁  
柳間媚女酒月下估人舟  
擒虎嗟橫渡騎鯨憶醉遊  
停橈正懷古風急蕩花秋

詠柳

何恨苦長纒纖姿嫵媚春  
慣愁行路客羞比舞筵人  
亂葉斜斜雨狂花袞袞  
塵燐燐才噪日應落漢潭濱

無題

顧影出中堂長眉學內粧  
本爲戚里婦不是狹斜娼  
扇撲園中蝶箏彈陌上桑  
相逢不敢笑只恐斷君腸

京師寓解三首

誰言舊隱非靜里且相依  
綠樹城通苑青山寺對扉  
官閒休直早客久夢還稀  
是物春來典唯存舊賜衣

幾夜頻聽雨，經春不見花。藤蕪青渚，燕楊柳白門。鴉拙宦危機，遠工吟癖。

性加閒坊車馬少，不似住京華。寂寞過芳時，幽懷只自知。袖無投相刺，篋有寄僧詩。鼠跡塵凝帳，蛙聲雨到池。疎慵堪置散，不敢怨名卑。

送舒徵士考禮畢歸四明

寄語關門吏，休輕尚布衣。叔孫聊應召，周黨竟辭歸。赤日京城遠，蒼烟海樹微。送君還自歎，老却故山薇。

送周復秀才賦行李中一物得統扇

不畫乘鸞女，應憐素質新。霜機驚落早，風塵尚揮頻。席上曾歌怨，窻間或掩頰。何如爲君子，遠路障埃塵。

送流人

漢條應偶觸蠻俗，未能諳海近。風多颶山昏，瘴似嵐行衝。哀句虎食叟，蠱家蠶鄉國。何年返縣知，老日南。

贈張省郎

漢署早爲郎，長遊鳳沼傍。難知壺水候，馬識火城光。每載趨曹筆，時熏直

省香邊書無一羽冠蓋得翱翔

送宿衛將出守鄧州

中郎身領仗宿衛在承明  
舊射雙鵬落新乘五馬行  
紅雲遙魏闕白冰近穰城  
好勤諸季少春來賣劍耕

甘露寺

勝地江山壯名林歲月遙  
剎藏京口樹鐘送海門潮  
月黑龍光發天清蜃氣銷  
何當尋狼石閒坐話前朝

大駕親祀方丘選射濟宮奉次 御製韻

奠璧方壇曉祝釐豹竿風動從靈祗  
獻符多士歌昌運扈蹕諸蕃覩盛儀  
郊射貫侯初復古汾祠獲鼎未云奇  
山川效靜年多穀神荅皇心定有期  
奉迎車駕享太廟還宮

鳴蹕聲中曉仗迴錦裝馴象踏紅埃  
半空雲影看旗動滿道天香識駕來  
漢酎祭餘清廟閉舜衣垂處紫宮開  
禮成海內人皆慶獻頌應慙自乏才  
晚登南岡望都邑宮闕二首

落日登高望帝畿  
龍蟠山下見龍飛  
雲霄雙闕開黃道  
烟樹三宮接翠微

沙苑馬閒秋獵罷天街車闕晚朝歸明朝欲獻昇平頌還逐仙班入瑣闈  
秦金不厭氣佳哉紫蓋黃旗此日開殘雪已銷鳩鵲觀浮雲不隱鳳凰臺  
山如雉下層層出江自巴中渺渺來六代衣冠總塵土幸逢昌運莫興哀

奉天殿進元史

詔預編摩序主知布衣亦得拜龍輝書成一代存殷鑒朝列千官備漢儀  
漏盡秋城催仗早燭明春殿卷簾遲時清機務應多暇閣下從容幸一披  
九日陪諸閣老食賜糕次謝授經韻

叨陪講席按詞曹曉禁霜花點素袍院貯圖書西掖靜雲連宮殿北山高  
故園莫憶黃花酒內府初嘗赤棗糕最愛鳳毛今復見便令池上一揮毫  
送沈左司從汪叅政分省陝西汪由御史中丞出

重臣分陝去臺端賓從威儀盡漢官四塞河山歸版籍百季父老見衣冠  
西關月落聽雞度華岳雲開立馬看知爾西行定回首如今江左是長安

吳僧日章講師赴召修蔣山普度佛事既罷東歸送別二首

萬人擁坐聽潮音寶刹曾迂玉駕臨佛法曉敷三藏秘帝恩春及九原深  
鍾山坐處花頻雨練浦歸時樹欲陰疑問楞伽嗟已別楚江飛錫暮沉沉

故鄉未解識清容却在金陵闕下逢中禁曾分齋鉢飯上方時叩講筵鐘  
一帆細雨迢迢浦半塔斜陽靄靄峰相送師歸忽多感飛雲亦戀舊依松  
清明呈館中諸公

新煙著柳禁垣斜杏酪分香俗共誇白下有山皆繞郭清明無客不思家  
卜侯墓上迷芳草盧女門前映落花喜得故人同待詔擬沽春雨醉京華  
金陵喜逢董卿併送還武昌

兵後念念記別離兩年音問不相知武昌樓下初來日幙府門前忽見時  
上國花關同醉少大江潮落獨歸遲莫嗟握手還分手此會從前豈有期  
送易左司分省廣西

朝廷特念遠民深遣省分官出桂林油幕乍開依漢節卉衣時到貢蠻金  
四時花發山多暖半日嵐開市尚陰虞帝祠前黃竹裏相思莫聽鷓鴣吟  
送王檢校錡赴北平

十季同舍客京華看遍龍河寺裏花纔進史書朝日下便紆官綬去天涯  
平蕪遠塞秋驅騎衰柳遺宮晚噪鴉莫道窮邊成久別待君歸草玉堂麻

柳外秋風起御河京燕客子意如何  
仗同北郭知應濫俸比東方愧已多  
梁寺鐘來殘月落漢宮砧斷早鴻過  
不材幸得同趨闕幾度珊珊候曉珂

送祠江濱使者

源發岷峨萬里通函香迢遞問齋宮  
神馳白馬靈光近祝奉玄牲禮秩崇  
鐸下換舩潮湧日廟前沉璧水迴風  
重煩使者徵多福南國無疵黍稌豐

送葉判官赴高唐時使安南還

銅柱崖前使節過賁隨歸騎入京多  
一官暫遣陪成瑨片語曾煩下趙陀  
曉拜賜衣辭絳闕秋催征棹渡黃河  
政餘好賦登臨味關說州人最善歌

衍師見訪鍾山里第

風雨孤舟寄一僧遠煩相覓到金陵  
青衫愧逐塵中馬白拂看塵座上蠅  
事去南朝猶有恨夢歸北郭已無憑  
文章何用虛叨祿只合從師問土乘

寄題安慶城樓

層構初成百戰終憑高應喜楚氛空  
山隨粉堞連雲起江引清淮與海通  
遠客帆檣秋水外殘兵鼓角夕陽中  
時清莫問英雄事回首長烟滅去鴻

送鄭都司赴大將軍行營

上公承詔出蓬萊立馬風烟萬里開  
賜履已分無棣遠舞戈還見有苗來  
牙前部曲多收績幙下賓僚更倚才  
後夜軍門知子到郎星應是近三台

送朱謝二博士進賀冬至表赴京師聽宣諭畢還吳

驛騎雙馳捧綠章都門逢舊喜洋洋  
小儒方幸瞻天近遠使初來賀日長  
仗下丹墀晴雪盡朝回紫陌曉塵香  
承宣歸去難留駐乞報平安到故鄉

送丕上人還四明育王寺

解夏還尋舊寺棲滿船黃葉過長溪  
袈裟影入秋山遠舍利光懸夜塔低  
鵝識講時常繞聽猿知定後不驚啼  
却慙擾擾塵中客覺路如今去尚迷

送吳生赴汴省其父指揮

都亭槐雨淨朝埃彩服逢秋試剪裁  
定遠未歸雙節在孝廉初去一船開  
城依梁苑烟中閉河繞隋堤樹裏來  
家慶拜餘尋舊跡夕陽騎馬過繁臺

客舍夜坐

樓角聲殘鎖禁城燈花半落夜寒生  
啼鴉井上驚風散殘雪窻前助月明  
清世莫嗟人寂寞中平漸怯歲崢嶸  
酒杯詩卷吾家物客裏相親倍有情

送鄭山人聽宣諭後歸東陽



閣門傳詔山人拜清曉蓬萊望彩霞布褐朝天纔赴關蒲帆帶雨又還家  
沈侯詠罷樓沉月癸女粧殘廟掩花無限朝廷仁恤意殷勤歸向老農誇

春來

客愁擬向春來減春到愁翻倍舊時走馬已無季少樂聽鶯空有故園思  
日光晶晶濃重草風力颺颺緩墮絲辟歷溝南酒家路共誰來往問花枝

送賈文學以郡薦赴禮部試畢歸吳

疋馬都門候曉開吳公新薦賈生來郡中方待傳經紫闕下先稱射策才  
寒食杏花江店雨春衣柳絮驛程埃慚予東掖叨陪講難把長干送別盃

休沐日期衍公遊北山不果獨臥齋中

休沐欣逢一日閒擬邀禪客共登山兩筇未許尋蘿逕孤枕應須掩竹關  
歷歷遠峰塵土外蕭蕭溪屋草萊閒安眠却勝清遊樂覺看斜陽燕子還

送內兄周誼還江上

憶奉綸音趨赴朝曾煩遠送過楓橋雲山方恨成暎阻雪夜俄來伴寂寥  
吳苑疎鐘沉晚樹楚江歸鴈逐寒潮情親海內如君少敢惜離魂爲一銷

夜聞吳女誦經

雲窻月帳散花多，閒讀金經夜若何。  
嬌舌乍端鸞學語，芳心已定井銷波。  
尼師曾教青蓮偈，女伴徒爲白苧歌。  
聽處若迷空色相，應須愁殺病維摩。

送趙史君致仕歸別業

久仕江湖白髮長，今季得許乞身章。  
吏收封印朝辭郡，人賀懸車晚在鄉。  
家篋已添新著藁，官衫未歇舊熏香。  
南風別墅初歸處，應坐肩輿看種秧。

遊南峰寺有支遁放鶴亭

每向人間望碧峰，石門今得問幽踪。  
路緣風磴冷，冷策寺隔烟蘿杳，杳鐘  
牕下鳥來多，墮果亭前鶴去只，高松一  
龕願借依香火，莫道詩人非戴顓。

次韻楊署令雨中臥疾

雙桐分蔭曉池清，乍喜新晴覺病輕。  
蛛曳林風吹欲斷，鷺經沙雨洗偏明。  
吟多稍怯臨窻寫，臥久渾忘出市行。  
不道春歸踰一月，起聞歌鳥尚疑鶯。

送胡簿之陽朔

幾季桂館去人稀，白髮憐君獨遠違。  
過海定尋迴估舶，出京纔脫舊儒衣。  
祠羞荔子傳巫語，縣閉榕陰放吏歸。  
亦欲居夷嗟未得，漫看鴻鵠向南飛。

謁甫里祠

衣冠寂寞半塵絲，想見江湖獨臥時。  
遁跡虛煩明主詔，感懷猶賦散人詩。  
釣魚船去雲迷浦，鬪鴨關空草滿池。  
芳藻一杯誰爲奠，鼓聲只到水神祠。

送恩禪師弟子勤歸開元寺

山柄經寒補雜繒，白雲高寺遍尋登。  
法身已見浮來佛，宗旨曾傳化去僧。  
歸過江城誰施飯，定依舊院自懸燈。  
明朝應恨千峰阻，欲問楞伽已不能。

寺有二石佛自海上浮至

辭戶部之命東還始出都門有作

詔貳民曹出禁林，陳辭因得解朝簪。  
臣材自信元難稱，聖澤誰言尚未深。  
遠水江花秋艇去，長河宮樹曉鐘沉。  
還鄉何事行猶緩，爲有區區戀闕心。

歸吳至楓橋

遙看城郭尚疑非，不見青山舊塔微。  
官秩加身應謬得，鄉音到耳是真歸。  
夕陽寺掩啼鳥在，秋水橋空乳鴨飛。  
寄語里閭休復羨，錦衣今已作荷衣。

舊有塔今廢

送徐山人還蜀山兼寄張靜居

我因解紱遠辭京，君爲修琴暫入城。  
偶爾相逢春酒熟，飄然忽去暮烟生。

山頭學嘯猶聞經世上留詩不寫名西礪煩詢張靜者季來註易幾爻成  
寄題內弟周思敬野人居

野人何處是幽棲開在天隨舊宅西半屋圖書春落盡一村花柳盡鳴雞  
分泉自給烹茶水待雨惟耕種藥畦日暮扁舟欲相訪恐驚鷗鳥過前溪  
徐記室謫鍾離歸後同登東丘亭

同上高亭一賦詩喜逢君是謫歸時不狀此日登臨處應望天涯有遠思  
將赴金陵始出閩門夜泊二首

鳥啼霜月夜寥寥回首離城尚未遙正是思家起頭夜遠鐘孤棹宿楓橋  
烟月籠沙客未眠歌聲燈火酒家前如何纔出閩門外已似秦淮夜泊船  
舟次丹陽驛

沽酒來尋水驛門鄰船燈火語黃昏今朝始覺離鄉遠身在丹陽郭外村  
正月十六日夜至京師觀燈

天街爭唱落梅歌絳闕珠燈萬樹羅莫笑遊人來看晚春風還似昨宵多  
夜聞雨聲憶故園花

帝城春雨送春殘兩夜愁聽客枕寒莫入鄉園使花落一枝留待我歸看

早至闕下候朝

月明立傍御溝橋半啓宮門未放朝  
驄吏忽傳丞相至火城如畫曉寒銷

春日寄張祠部

烏衣巷口燕來時楊柳風多颺酒旗  
遠客金陵遊伴少看花慙比去年遲

宮女圖

女奴扶醉踏蒼苔明月西園侍宴迴  
小犬隔花空吠影夜深宮禁有誰來

吳中野史載李迪因此詩得禍余初以爲無稽及觀圖初昭示諸錄所載李韓公子姪諸小侯爰書及高帝手詔象章侯罪狀初無隱避之詞則知李迪此詩蓋有爲而作諷諭之詩雖妙絕古今而因此觸高帝之怒假手于魏守之獄亦事理之所有也論者詳之

左掖作

小殿珠簾散柳絲東宮初退講筵時  
不材未敢修封事把筆閒題應教詩

雨中登天界西閣

青山樓閣楚江東身在蒼茫晚色中  
故國自遙難望見不關春樹雨溟濛

吳中親舊遠寄新酒二首

雙壺遠寄碧香新，酒內情多易醉人。  
上國豈無千日釀，獨憐此是故鄉春。  
爲念春來客思悲，欲教一醉對花枝。  
那知飲量新來減，不似江亭看妓時。

宿圓明寺早起

客起燈前夢尚迷，滿樓殘月曉風西。  
應知野寺非山店，只聽鐘聲不聽雞。

送郭省郎東歸二首

金陵兒女踏春陽，金陵客子正思鄉。  
一盃况復春將去，目斷飛花江水長。  
桃葉渡頭聞唱歌，孤帆欲發奈愁何。  
君歸是我來時路，山水無多離思多。

四月朔日休沐雨中

送春風雨苦潺湲，得告今朝免綴班。  
臥聽鳩啼花落盡，此身如在故園間。

送哲明府之新淦

花落春衫試剪裁，石頭城下楚帆開。  
憑誰爲報清江吏，麥雉鳴時縣令來。

逆旅逢鄉人

客中皆念客，客中身唯汝。  
相逢意更親，不向燈前聽吳語。  
何由知是故鄉人。

寄丁二侃

江頭斜日草初薰，日斷歸鴻隔楚雲。  
舊日因居相近住，每思家處獨思君。

題虞文靖公書所賦鶴巢詩後

玉堂罷直髮如絲，華蓋當頭戴笠時。丁令去來滄海變，人間零落鶴巢詩。

戴叔鸞入夏江山圖

歸隱初辭薦辟章，西風黃葉滿車箱。青牛只識山中路，不是無心向洛陽。

名中憶二女

每憶門前兩候歸，客中長夜夢魂飛。料應此際猶依母燈下，看縫奇裁衣。

形勝遠眺

楚天無物不堪詩，登眺唯愁動遠思。秋樹江山人別後，夕陽樓閣雨晴時。

寄翁記

惆悵江東日暮雲，我來君去苦離羣。不知此日君思我還似，當時我憶君。

徐父答京師子至已東還

寄家書

底事鄉書累日修，路長唯恐有沉浮。還憂得到家添憶，不敢多言客裏愁。

時客越城

聞人唱吳歌

楚人不解聽吳歌我獨燈前感慨多  
記得通波亭下路畫船歸去雨鳴荷  
雨中過山

春雲暎靄澗奔渾風雨行人過一村  
不似家山淡竹裏乳鳩啼午未開門  
題畫

落日青山影在沙鏡湖波淨過荷花  
雲間樹底參差屋借問誰家是賀家  
得故人書知未入京因寄

曾約春深到鳳臺君今不到只書來  
滿紙離恨牀頭放一度相思一展開  
題王翰林所藏畫蘭

春到懷王舊渚宮沙棠舟去水烟空  
孤叢不有幽香發應沒江邊百草中  
不見花

看花無計作閒身塵土餘杭暗度春  
不見花開莫惆悵花飛還得免愁人  
寒食逢杜賢良飲

揚柳無烟江水長鄰家風雨杏錫香  
逢君共把金陵酒忘却今朝在異鄉  
風雨早朝

掃屋雞鳴起濕烟蹇驢難借強朝天  
却思春水江南岸閒聽篷聲臥釣船



讀韋蘇州詩

掃閣焚香畫卷帷  
綠槐疎雨夏初時  
客憂何物能消遣  
一帙蘇州刺史詩

晚過青溪

王謝池臺兩岸空  
水禽爭唼夕陽中  
麗華妖血流難盡  
化作荷花別樣紅

史言隋人殺張麗華於此

黃荃子母兔

陽坡日煖眼迷離  
芳草春眠對兩兒  
誰道姮娥曾作伴  
廣寒孤宿已多時

西園卽事

綠池芳草滿晴波  
春色都從雨裏過  
知是鄰家花落盡  
菜畦今日蝶來多

吳別駕宅聞老妓陳氏歌

白髮相邀出後廳  
莫辭爲唱雨霖鈴  
如今人盡憐年少  
誰肯同來特地聽

出郭舟行避雨樹下

一片春雲雨滿川  
漁簑欲借苦無緣  
多情水廟門前柳  
遮我孤舟半日眠

已亥初度

時年三十四

風雨空齋誦蓼莪  
今季初度客中過  
人生七十尋常壽  
未過還憐一半多

二喬觀兵書圖

好憑花几倚新粧。玉女陰符讀幾行。銅雀那能鎖春色。解將奇策教周郎。

非關遠出負幽期。自是江邊枉棹遲。誰道空回君恨切。未應如我到家時。

宿蟾公房

一禽不鳴溪樹烟。明月下照高僧禪。獨開西閣詠清夜。秋河欲墮山蒼然。

陌上見梅

陌頭一樹帶風沙。零落寒香日欲斜。車馬紛紛誰暇看。當季只合種山家。

東歸至楓橋

故人當日送登畿。此地停舟醉落暉。慙愧臨河舊攀柳。尚留青眼看人歸。

江行

家家漁網映迴橋。春水初生沒樹腰。客路江南烟雨裏。綠蕪芳草恨迢迢。

戲和徐七見寄臥聞鄰槽酒聲之作

春瀉鄰槽入夜聞。遠疑泉響隔松雲。題詩爲問醒眠客。幾滴還能醉得君。

見燕至

初來如報社前春，好宿茅簷伴客身。莫入江南舊庭院，杏花風雨總無人。

背面美人圖

欲呼回首不知名，背立東風幾許情。莫道畫師元不見，傾城雖見畫難成。

對梨花

素香寂寞野亭空，不似秋千院落中。臥對一枝愁病酒，清明今日雨兼風。

和楊余諸君在謫中憶往年西園聽歌

花落名園罷醉遊，故人無復舊風流。吳鄉莫歎無歌聽，若使聞歌意更愁。

重過南寺尋悟公不值

我是釣天夢，覺人憶來松下。是前身老僧，何去袈裟在落葉。斜陽滿室塵。

列朝詩集

甲集第四之下終